

春秋左氏經傳集解增註


廿六之八

十一

漢書門			
八	三	四	七
一	六	三	函
二	一	二	架
冊	架	函	號
類			

內閣文庫			
八	三	四	七
一	六	三	函
二	一	二	架
冊	架	函	號
類			

內閣文庫	
番號	漢 8347
冊數	12 (11)
函號	274 136





春秋左傳杜注卷第二十六

華亭姚培謙學

昭公

經二十有七年春公如齊自鄆行公至自齊居于鄆○

夏四月吳弑其君僚僚敗戰民罷又伐楚喪故光棄開而動稱國以弑罪在僚。湛氏若水曰書吳弑其君僚

則亂賊之罪可得矣。案左氏傳弑吳君僚者公子光專諸也而書曰吳者使人考其跡而罪人斯得矣。○共殺其大夫

卻宛無極楚之讒人宛所明知而信近之以取敗亡故書名罪宛。卻去逆反宛於阮反。金氏賢曰子常殺宛何為而稱國以殺君無道以

令其臣致其擅殺大夫而無忌紀綱亡矣是則君之罪也。○秋晉士鞅宋樂祁犁衛北宮

喜曹人邾人滕人會于扈○冬十月曹伯午卒無傳未同

盟而赴

○邾快來奔無傳快邾命卿也故書

○公如齊自鄆行公至自齊

居于鄆無傳

傳二十七年春公如齊公至自齊處于鄆言在外

也在外邑故書地

○吳子欲因楚喪而伐之前年楚平王卒使公子掩餘公子

燭庸帥師圍潛二子皆王僚母弟潛楚邑在廬江六縣西南今江南廬州府霍山縣東北三十里有潛城使

延州來季子聘于上國季子本封延陵後復封州來故曰延州來遂聘于晉以

觀諸侯觀疆弱楚莠尹然工尹麋帥師救潛二尹楚官然麋其名左

司馬沈尹戌帥都君子與王馬之屬以濟師都君子在都邑

之士有復除者王馬之屬王之養馬官屬校人也濟定也。復音福。復除謂優復其身除其徭役也。或別有功勞或曲蒙恩澤平常免其徭役事急乃使之也。

與吳師遇于窮水經注窮水出安豐縣窮谷即楚與吳師遇處在今江南鳳陽府霍邱縣西令

尹子常以舟師及沙汭而還沙水名。水經注汭沙到浚儀而分汭東注沙南流至義城縣

西南入于淮謂之沙汭楚東地也義城故城在今鳳陽府懷遠縣東北左尹卻宛工尹壽帥師至

于潛吳師不能退楚師疆故吳不得退去吳公子光曰此時也弗

可失也欲因其師徒在外國不堪役以弑王告鱄設諸曰上國有言曰不

索何獲我王嗣也吾欲求之光吳王諸樊子也故曰我王嗣。索所自反事若

克季子雖至不吾廢也至謂聘還鱄設諸曰王可弑也母

老子弱是無若我何猶言我無若是何欲以老弱託光光曰我爾身也

春秋傳注卷二十六 昭公

言我身猶爾身夏四月光伏甲於掘室而享王掘地為室。王使

甲坐於道及其門坐道邊至光門門階戶席皆王親也夾之

以鉞羞者獻體改服於門外羞進食也獻體解衣。鉞音拔劍也執羞者

坐行而入坐行膝行執鉞者夾承之承執羞者及體以相授也鉞及進羞者體以所會換王

光偽足疾入于掘室恐難作王黨殺已素辟之鱗設諸寘劍

於魚中以進全魚炙抽劍刺王鉞交於胸交鱗諸胸遂弑王闔

廬以其子為卿闔廬光也以鱗諸子為卿季子至曰苟先君無廢祀

民人無廢主社稷有奉國家無傾乃吾君也吾誰

敢怨哀死事生以待天命非我生亂立者從之先

人之道也吳自諸樊以下兄弟相傳而不立適是亂由先人起也季子自知力不能討光故云爾復命哭墓

復使命復使命於僚墓復位而待復本位待光命吳公子掩餘奔徐公子燭庸

奔鍾吾鍾吾小國。漢志東海郡司吾應劭曰左傳執鍾吾子今江南邳州宿遷縣西北有司吾城楚師聞吳

亂而還言聞吳亂明卻宛不取賂而還

○卻宛直而和國人說之以直事君以和接類鄢將師為右領

右領官名。鄢於晚反惡卻宛。比毗志反令尹子常賄

而信讒無極譖卻宛焉謂子常曰子惡欲飲子酒

也子惡又謂子惡令尹欲飲酒於子氏子惡曰我賤人

也卻宛不足以辱令尹令尹將必來辱為患已甚吾無

以酬之若何酬報無極曰令尹好甲兵子出之吾擇

焉擇取以進子常取五甲五兵曰寘諸門令尹至必觀之而

從以酬之曰無極辭及饗曰惟諸門左張惟陳甲兵其中無極謂令

尹曰吾幾禍子子惡將為子不利甲在門矣子必

無往且此役也此春穀潛之役吳可以得志子惡取路焉而

還又誤羣帥使退其師曰乘亂不祥吳乘我喪我

乘其亂不亦可乎令尹使視郤氏則有甲焉不往

召鄆將師而告之告子惡門有甲兵將害已將師退遂令攻郤氏且

焚之焚燒也子惡聞之遂自殺也國人弗焚令曰

不焚郤氏與之同罪或取一編管焉或取一秉秆

焉編管苦也秉把也秆稔也管古顏反秆古但反或取一片苦或取一把稔言民不肯燒之國人投之遂弗

焚也令尹炮之炮燔盡滅郤氏之族黨殺陽令終與

其弟完及佗今終陽勾子佗徒河反與晉陳及其子弟晉陳楚大夫皆郤氏之黨晉

陳之族呼於國曰鄆氏費氏自以為王專禍楚國

弱寡王室蒙王與令尹以自利也蒙欺也呼去聲令尹盡

信之矣國將如何令尹病之為下殺無極張本

○秋會于扈令戍周且謀納公也宋衛皆利納公

固請之范獻子取貨於季孫謂司城子梁與北宮

貞子

子梁宋樂祁也
貞子衛北宮喜

曰季孫未知其罪而君伐之請囚

請止於是乎不獲君又弗克而自出也夫豈無備

而能出君乎季氏之復天救之也

復猶安也

休公徒之怒

也

而啓叔孫氏之心不然豈其伐人而說甲執冰

以游叔孫氏懼禍之濫而自同於季氏天之道也

魯君守齊三年而無成季氏甚得其民淮夷與之

淮夷魯東夷

有十年之備有齊楚之援

公雖在齊言齊不致力

有天之

贊有民之助有堅守之心有列國之權而弗敢宣

也

事君如在國

書公行告公至是也

故鞅以為難二子皆圖

國者也而欲納魯君鞅之願也請從二子以圍魯

無成死之二子懼皆辭乃辭小國而以難復

以難納白晉君

○孟懿子陽虎伐鄆

陽虎季氏家臣伐鄆欲奪公欲奪公鄆使公不得居

鄆人將戰

子家子曰天命不怙久矣

怙疑也言

使君亡者必此

衆也

言君據鄆衆以與魯戰必敗亡

天既禍之而自福也不亦難乎猶

有鬼神此必敗也

言尚有鬼神以助君此戰必當敗也况無鬼神乎

嗚呼為無望也

夫其死於此乎公使子家子如晉公徒敗于且知

且知逆鄆地也

○楚卻宛之難國言未已進胙者莫不謗令尹

進胙國中

春秋左傳卷之二十一

祭祀也沈尹成言於子常曰夫左尹與中廢尹莫知

謗誣也其罪而子殺之以興謗讟至於今不已左尹卻宛也中廢尹陽令終

成也惑之仁者殺人以掩謗猶弗為也今吾子殺

人以興謗而弗圖不亦異乎夫無極楚之讒人也

民莫不知去朝吳在十五年出蔡侯朱在二十一年喪大子建殺

連尹奢在二十一年屏王之耳目使不聰明不然平王之温

惠其儉有過成莊無不及焉所以不獲諸侯邇無

極也通近也今又殺三不辜以興大謗三不辜卻氏陽氏晉陳氏幾及子

矣子而不圖將焉用之幾平聲夫鄢將師矯子之命以

滅三族國之良也而不愆位在位無愆過吳新有君才新疆立也

場日駭楚國若有大事子其危哉知者除讒以自

安也今子愛讒以自危也甚矣其惑也音亦子常曰

是瓦之罪敢不良圖九月己未子常殺費無極與

鄢將師盡滅其族以說于國謗言乃止

○冬公如齊齊侯請饗之設饗禮子家子曰朝夕立於

其朝又何饗焉其飲酒也此子家料事之詞乃飲酒使宰獻

而請安比公於大夫也禮君不敵臣宴大夫使宰為主獻獻爵也請安齊侯請自安不在坐也子仲之子

曰重為齊侯夫人曰請使重見子仲魯公子愨也十二年謀逐季氏不能而奔齊今行飲

昭公

酒禮而欲使重見從宴媾也。見音現。媾息列反。

子家子乃以君出

辟齊夫人

○十二月晉籍秦致諸侯之戍于周魯人辭以難

經所以不書戍周籍秦籍談子

經二十有八年春王三月葬曹悼公

無傳六月而葬緩

○公

如晉次于乾侯

乾侯在魏郡斥邱縣晉竟內邑。今直隸廣平府成安縣東南有斥邱故城。

○夏四

月丙戌鄭伯寧卒

無傳未同盟而赴以名

○六月葬鄭定公

無傳三月而葬

速 ○秋七月癸巳滕子寧卒

無傳未同盟而赴以名

○冬葬滕悼

公無傳

傳二十八年春公如晉將如乾侯

齊侯卑公故適晉

子家子

曰有求於人而即其安人孰矜之其造於竟

欲使於於竟以

待弗聽使請逆於晉晉人曰天禍魯國君淹恤在

外君亦不使一个辱在寡人

一个單使而即安於甥舅其

亦使逆君

言自使齊逆君

使公復于竟而後逆之

逆著乾侯也言公不能用子家

所以見辱。著直略反。

○晉祁勝與鄔臧通室

二子祁盈家臣也通室易妻

祁盈將執之

盈祁午之

子訪於司馬叔游

叔游司馬叔候之子

叔游曰鄭書有之惡直

醜正實蕃有徒

鄭書古書名也言害正直者實多徒衆

無道立矣子懼不免

言世亂讒勝

詩曰民之多辟無自立辟

詩大雅。多辟亦反。立辟婢亦反。

姑已

若何姑且也盈曰祁氏私有討國何有焉言討家臣無與國事遂

執之祁勝賂荀躒荀躒為之言於晉侯晉侯執祁

盈以其專戮祁盈之臣曰鈞將皆死鈞同也慙使吾君聞勝

與臧之死也以為快慙發語之音○慙魚乃殺之夏六月

晉殺祁盈及楊食我楊叔向邑食我叔向子伯石也○食音嗣食我祁盈之黨

也而助亂故殺之遂滅祁氏羊舌氏初叔向欲娶

於申公巫臣氏夏姬女也其母欲娶其黨叔向曰吾母多

而庶鮮吾懲舅氏矣言父多妾媵而庶子鮮少媵母氏性不曠其母曰子靈之

妻殺三夫子靈巫臣妻夏姬也三夫陳御叔楚襄老及巫臣也時巫臣已死一君陳靈公一子夏徵舒而

亡一國陳也兩卿矣孔靈儀行父可無懲乎吾聞之甚美必

有甚惡是鄭穆少妃姚子之子子貉之妹也子貉鄭靈公夷

○貉亡子貉早死無後而天鍾美於是是夏姬也鍾聚也子貉死在宣四年○此

○貉亡將必以是大有敗也○孔疏夏姬淫或喪國滅家叔向之母猶謂未

生女黥黑有仍古諸侯也美髮為黥○黥之忍反而甚美光可以鑑髮膚光色可以照人

名曰玄妻以髮黑故樂正后夔取之夔舜典樂之君長生伯封實有

承心貪惓無饜忿類無期謂之封豕類豕也封大也○豕力耽反有

窮后羿滅之夔是以不祀羿篡夏后者且三代之亡其子

之廢皆是物也夏以妹喜殷以妲己周以褒姒三代所由亡也共子晉申生以驪姬廢喜本或作嬉女何以

為哉夫有尤物足以移人苟非德義則必有禍言苟不以德義自持則必有禍也

叔向懼不敢取平公強使取之生伯石言苟不以德義自持則必有禍

伯石始生子容之母走謁諸姑子容母叔向嫂伯曰長

叔姒生男兄弟之妻相謂姒姑視之及堂聞其聲而還曰是

豺狼之聲也狼子野心非是莫喪羊舌氏矣遂弗

視

○秋晉韓宣子卒魏獻子為政獻子魏舒分祁氏之田以

為七縣七縣歸祁平陵梗陽塗水馬首孟也分羊舌氏之田以為三縣銅鞮平陽

揚司馬彌牟為鄆大夫大原鄆縣今鄆城故址在山西大原府介休縣東北二十七里賈

辛為祁大夫大原祁縣今大原府祁縣東南八里有古祁城司馬烏為平陵大夫

魏戊為梗楊大夫戊魏舒庶子梗陽在大原晉陽縣南平陵亦曰大陵今文水縣東北二十里有大陵故城清

源縣南有梗陽城俱屬大原府戊音茂知徐吾為塗水大夫徐吾知盈孫塗水大原榆次縣今塗水故城

在大原府榆次縣西南二十里韓固為馬首大夫固韓起孫馬首故城在大原府壽陽縣東南孟丙

為孟大夫大原孟縣今大原府屬大原府樂霄為銅鞮大夫上黨銅鞮縣故城在山西沁

川西趙朝為平陽大夫朝趙勝曾孫平陽平陽縣故城在山西平陽府臨汾縣西南僚安為

楊氏大夫平陽楊氏縣平陽府洪洞縣南二里有古楊城謂賈辛司馬烏為有力

於王室二十二年辛烏帥師納敬王烏即司馬督故舉之謂知徐吾趙朝韓

魏子謂成鯁

固魏戊餘子之不失職能守業者也卿之庶子其四

人者皆受縣而後見於魏子以賢舉也四人司馬彌牟孟丙樂霄僚安

也受縣而後見言采眾而舉不以私也○言非素識魏子謂成鯁鯁晉大夫○鯁音專吾與戊也縣

人其以我為黨乎對曰何也戊之為人也遠不忘

君遠疏也近不偪同不偪同位居利思義不苟得在約思純無滯心有守

心而無淫行雖與之縣不亦可乎昔武王克商光

有天下光大也○行去聲其兄弟之國者十有五人姬姓之

國者四十人皆舉親也夫舉無他唯善所在親疏

一也詩曰唯此文王帝度其心莫其德音其德克

明克明克類克長克君王此大國克順克比比于

文王其德靡悔既受帝祉施于孫子詩大雅美文王能王

孫○莫心白心能制義曰度帝度其心德正應和曰莫莫然清靜其德既正為

政清靜故有所施為民皆應和照臨四方曰明勤施無私曰類施而無私物得其所無失

類也○施去聲教誨不倦曰長教誨長人之道賞慶刑威曰君作威作福君之職也慈

和徧服曰順唯順故天下徧服擇善而從之曰比比方善事使相從也經緯天

地曰文經緯相錯故織成文九德不愆作事無悔九德上九曰也皆無愆過則動無悔吝

故襲天祿子孫賴之襲受也主之舉也近文德矣所及

其遠哉舉魏戊等勤施無私也其四人者擇善而從故曰近文德所及遠也賈辛將適其縣見於

昭公

魏子魏子曰辛來昔叔向適鄭惡貌醜蔑惡醜欲觀叔

向從使之收器者從隨也隨使人應斂俎豆者而往立於堂下一言

而善叔向將飲酒聞之曰必驥明也素聞其賢故聞其言而知之下

執其手以上曰昔賈大夫惡賈國之大夫惡亦醜也娶妻而美三

年不言不笑御以如臯為妻御之臯澤射雉獲之其妻始笑

而言賈大夫曰才之不可以已我不能射女遂不

言不笑夫今子少不颺顏貌不揚顯射雉音石子若無言吾幾失

子矣言之不可以已也如是遂如故知今女有力

於王室吾是以舉女因賈辛有功而後舉之言人不可無能行乎敬之哉毋

墮乃力墮損也墮許規反仲尼聞魏子之舉也以為義曰近

不失親謂舉魏戌遠不失舉以賢可謂義矣又聞其命賈

辛也以為忠先賞王室之功故為忠詩曰永言配命自求多福忠

也詩大雅永長也言能長配天命致多福者唯忠魏子之舉也義其命也忠其長

有後於晉國乎

○冬梗陽人有獄魏戌不能斷以獄上王魏子斷于亂反其大

宗賂以女樂訟者之大宗魏子將受之魏戌謂閻沒女寬

二人魏子之屬大夫曰主以不賄聞於諸侯若受梗陽人賄莫

甚焉吾子必諫皆許諾選朝待於庭魏子朝君退而饋待於魏子之庭饋

入召之名二大夫食比置三歎既食使坐更命之令坐魏子曰

吾聞諸伯叔諺曰唯食忘憂吾子置食之間三歎

何也同辭而對曰或賜二小人酒不多食或他人也言飲甚

饋之始至恐其不足是以歎中置自咎曰豈將軍

食之而有不足是以再歎魏子中軍帥故謂之將軍及饋之畢

願以小人之心為君子之心屬厭而已屬足也言小人之腹飽猶知厭

足君子之心亦宜然獻子辭梗陽人傳言魏氏所以興也

經二十有九年春公至自乾侯居于鄆以乾侯至不得見晉侯故齊

侯使高張來唁公唁公至晉不見受高張高偃子公如晉次于乾侯

復不見受住乾侯夏四月庚子叔詣卒無傳秋七月冬

十月鄆潰無傳民逃其上曰潰潰散叛公

傳二十九年春公至自乾侯處于鄆齊侯使高張

來唁公稱主君比公於大夫子家子曰齊卑君矣君祇辱

焉言往事齊適取辱公如乾侯為齊所卑故復適晉冀見恤

三月己卯京師殺召伯盈尹氏固及原伯魯之

子皆子朝黨也稱伯魯子終不說學尹固之復也二十六年尹固與子朝俱奔楚而道還有婦

人遇之周郊尤之曰處則勸人為禍行則數日而

反是夫也其過三歲乎夏五月庚寅王子趙車入

于鄆以叛陰不佞敗之荆車子朝之餘也見王殺伯盈等故叛鄆周邑○鄆列勉反

○平子每歲買馬賈買也○賈音古具從者之衣履而歸之

于乾侯公執歸馬者賣之賣其馬乃不歸馬衛侯來獻

其乘馬曰啓服啓服馬名塹而死隋塹死也○塹七豔反公將為之櫛櫛為作棺也

子家子曰從者病矣請以食之乃以帷裏之禮曰敝惟不棄

為埋馬也○食音嗣公賜公衍羔裘使獻龍輔於齊侯龍輔王名遂入

羔裘齊侯喜與之陽穀陽穀齊邑公衍公為之生也其母

偕出出之齊舍公衍先生公為之母曰相與偕出請相與

偕告留公衍毋使待已共自公三日公為生其母先以告公為為兄

公私喜於陽穀而思於魯曰務人為此禍也務人公為也始

與公若謀逐季氏且後生而為兄其誣也久矣乃黜之而以

公衍為犬子

○秋龍見于絳郊絳齊國都魏獻子問於蔡墨蔡墨晉大史曰吾

聞之蟲莫知於龍以其不生得也謂之知信乎對

曰人實不知非龍實知言龍無知乃人不知之耳○莫知音智下謂之知實知注無知同○孔疏言龍

可生得非是不生得也故說古有養龍之事以證龍可生得也以人不知有此事故今說之古者畜龍故國有

秦龍氏有御龍氏秦社養也獻子曰是之氏者吾亦聞之

而不知其故是何謂也對曰昔有颺叔安颺古國也叔安其君

名。龍力。謬反。有裔子曰董父。裔遠也。玄孫之後為裔。裔以制反。實甚好龍。能求

其耆欲。以飲食之。龍多歸之。乃擾畜龍。以服事帝

舜。帝賜之姓曰董。擾順也。飲去聲。食音嗣。下同。氏曰豢龍。豢龍官名。官有世功。則以官氏

封諸醜川。醜夷氏其後也。醜水。上夷。皆重姓。故帝舜氏世有

畜龍。及有夏孔甲。擾于有帝。孔甲少康之後九世君也。其德能順於天。帝賜之

乘龍。河漢各二。合為四。乘去聲。各有雌雄。孔甲不能食。而

未獲豢龍氏。有陶唐氏既衰。其後有劉累。陶唐堯所治也。學

擾龍于豢龍氏。以事孔甲。能飲食之。夏后嘉之。賜

氏曰御龍。夏后孔甲。以更豕韋之後。更代也。以劉累代彭姓之豕韋。累尋遷魯縣。豕韋復國。至商而

滅累之後。世復承其國為豕韋氏。在襄二十四年。龍一雌死。潛醢以食夏后。潛藏也。藏以醢。明龍不

知。夏后饗之。既而使求之。求致龍也。懼而遷於魯縣。魯縣在魯國。今魯縣。魯不龍。故懼

今何故無之。對曰。夫物物有其官。官脩其方。方法。朝

夕思之。一日失職。則死及之。失職有罪。失官不食。不食。官宿

其業。宿猶安也。其物乃至。設水官脩則龍至。若泯弃之物。乃坻伏。泯滅也。坻

止也。坻音旨。鬱湮不育。鬱滯也。湮塞也。育生也。湮音因。孔疏若滅弃所坻音旨。鬱湮不育。掌之事。令職事不脩。則其物不。止息而潛伏。沉滯壅

塞不復生育。以此故不可生而得也。故有五行之官。是謂五官。實列受氏

姓。封為上公。爵上。祀為貴神。社稷五祀。是尊是奉。五官之君

昭公

春秋左傳卷之三

昭公

長能脩其業者死皆配食於五行之神為王者所尊奉

木正曰句芒正官長也取木生句曲而有芒角也其祀重焉句古侯

火正曰祝融祝融明貌其祀黎焉金正曰蓐收秋物摧蓐而可收也其祀該焉

水正曰玄冥水陰而幽冥其祀脩及熙焉土正曰后土土為羣物主故稱后也其

龍水物也水官弃矣故龍不生

得弃廢也不然周易有之言若不爾周易無緣有龍在乾三三乾下乾上乾之姤

三三吳下乾上姤乾初九變曰潛龍勿用乾初九爻辭其同人三三離下乾上同人

乾九乾九二爻辭曰見龍在田乾九二爻辭其大有三三乾下離上大曰飛龍

在天乾九五爻辭其夬三三乾下兌上夬乾上九變夬古快反曰亢龍有悔乾上九爻

其坤三三坤上坤下坤乾六爻皆變曰見羣龍無首吉乾用九爻辭坤之

剝三三坤下艮上剝坤上六變曰龍戰于野坤上六爻辭若不朝夕見誰

能物之物謂上六卦所稱龍各不同也今說易者皆以龍喻陽氣如史墨之言則為皆是真龍獻子曰社稷

五祀誰氏之五官也問五官之長皆是誰對曰少皞氏有四叔

為句芒木正該為蓐收金正脩及熙為玄冥二子相代為水正世

不失職遂濟窮桑此其三祀也窮桑少皞之號也四子能治其官使不失職濟成少皞之

顓頊氏有子曰犁為祝融犁為火正共

工氏有子曰句龍為后土共工在大皞後神農前以水名官者其子句龍能平水土故死而見祀

此其二祀也后土為社方答社稷故明言為社稷田正也掌播殖也有烈

春官大司馬傳注卷五

昭公

聖傳

山氏之子曰柱為稷烈山氏神農世諸侯。鄭皆以烈山炎帝之號。自夏以上祀

之祀周弃亦為稷弃周之始祖能播百穀湯既勝夏廢柱而以弃代之。自商以來祀之

傳言蔡墨之博物

○冬晉趙鞅荀寅帥師城汝濱趙鞅趙武孫也荀寅中行荀吳之子汝濱晉所取陸渾地

遂賦晉國一鼓鐵以鑄刑鼎陸渾今河南河南府嵩縣汝水在縣南為鐵計令一鼓而足因軍役而為之故言遂。鼓量名王肅家語注三十斤為鈞鈞四為石石四為鼓蓋用四百八十斤鐵

著范宣子所為刑書焉仲尼曰晉其亡乎失其度矣夫晉

國將守唐叔之所受法度以經緯其民卿大夫以

序守之序位次也民是以能尊其貴貴是以能守其業孔疏守

其舊法民不預知臨時制宜輕重難測民是以能尊其貴畏其威刑也官有正法民常畏威貴是以能守其業保祿位也貴賤不愆

所謂度也文公是以作執秩之官為被廬之法僖十七年文公蒐被廬脩唐叔之法

以為盟主今弃是度也而為刑鼎民在

鼎矣何以尊貴弃禮徵書故不尊貴。弃禮徵書民意全在於鼎與叔向論刑書同意貴何業之

守民不奉上則上失業貴賤無序何以為國且夫宣子之刑夷

之蒐也晉國之亂制也范宣子所用刑乃夷蒐之法也夷蒐在文六年一蒐而三易中軍帥賈季箕鄭

若之何以為法蔡史墨曰范氏中行氏其

亡乎蔡史墨即蔡墨中行寅為下卿而干上令擅作刑器以

為國法是法姦也又加范氏焉易之亡也范宣子刑書中既廢矣今

復興之是成其咎。易之亡也。其及趙氏趙孟與焉。然不得

已若德可以免。鑄刑鼎本非趙鞅意不得已而從之若能脩德可

經三十年春王正月公在乾侯。釋不朝夏六月庚

辰晉侯去疾卒。未同盟而秋八月葬晉頃公。三月而

頃音。冬十有二月吳滅徐。徐子章羽奔楚。徐子稱名

傳三十年春王正月公在乾侯。不先書鄆與乾侯。

非公且徵過也。徵明也二十七年二十八年公在鄆二十九年公在乾

侯而經不釋朝正之禮者所以非責公之妄且明過謬

猶可掩故不顯書其所在使若在國然自是鄆人潰叛齊晉卑公。子家忠謀

終不能用內外弃之非復過誤所當掩塞故每歲書公所在。胡傳公去社

稷於今五年每歲首月不書公者在魯四封之內則無適而非其所也。至是鄆

潰容寄乾侯非其所矣。歲首必書公之所在者蓋以存君不與季氏之專國也

而罪臣子譏諸侯之意具矣

○夏六月晉頃公卒。秋八月葬。鄭游吉弔且送葬。

魏獻子使士景伯詰之曰。悼公之喪。子西弔。子蟜

送葬。在襄十五年今吾子無貳。何故。弔葬對曰。諸侯所以

歸晉君禮也。禮也者。小事大。大字小之謂。事大在

共其時命。隨時共字小。在恤其所無。以敝邑居大國

之間。共其職貢。與其備御。不虞之患。豈忘共命。言不

共命以所備御先王之制。諸侯之喪。士弔。大夫送葬。唯

嘉好聘享三軍之事。於是乎使卿。晉之喪事。敝邑

之間先君有所助執紼矣紼，輓索也。禮送葬必執紼。音開。若其不聞

雖士大夫有所不獲數矣不得如先王禮數。大國之惠亦慶

其加慶善也。謂善其君自行。而不討其乏明底其情底，致也。音旨。取備

而已以為禮也孔疏善其有加不討其乏明知鄭國致其情實取充備而已。靈王之喪在襄二十九年。

我先君簡公在楚我先大夫印段實往敝邑之少

卿也少年也。王吏不討恤所無也今大夫曰女盍從舊

舊有豐有省不知所從從其豐則寡君幼弱是

以不共從其省則吉在此矣唯大夫圖之晉人不

能詰傳言犬叔之敏。

○吳子使徐人執掩餘使鍾吾人執燭庸二十七二年奔故。

公子奔楚楚子大封而定其徙大封與土田定其所徙之居。使監馬

尹大心逆吳公子使居養二子奔楚楚使逆之於竟也。養即所封之邑。今河南開封府陳州沈邱。

莠尹然左司馬沈尹戌城之城。取於城父與

胡田以與之胡田故胡子之地。將以害吳也子西諫曰吳光

新得國而親其民視民如子辛苦同之將用之也

若好吾邊疆使柔服焉猶懼其至柔服謂不與吳構怨。吾又疆

其讎以重怒之無乃不可乎讎謂公子。吳周之胄裔也

而弃在海濱不與姬通今而始大比于諸華光又

甚文將自同於先王

先王謂犬王王季亦自西戎始比諸華

不知天將以為

虐乎使翦喪吳國而封大異姓乎其抑亦將卒以

祚吳乎其終不遠矣

言其事行可知不久

我盍姑億吾鬼神

億安也

而寧吾族姓以待其歸

善惡之歸

將焉用自播揚焉

播揚猶勞動也

王弗聽吳子怒冬十二月吳子執鍾吾子遂伐徐

防山以水之

防壅山水以灌徐

已卯滅徐徐子章禹斷其髮

斷髮自刑示懼

攜其夫人以逆吳子吳子唁而送之使

其邇臣從之遂奔楚

邇近也

楚沈尹戌帥師救徐弗及

遂城夷使徐子處之

夷城父也

吳子問於伍員曰初而言

伐楚在十年余知其可也而恐其使余往也又惡人之

有余之功也今余將自有之矣伐楚何如對曰楚

執政衆而乖莫適任患若為三師以肄焉

肆猶勞也適音的

任音壬一師至彼必皆出彼出則歸彼歸則出楚必道

敝

罪敝於道亟肄以罷之亟數也亟斯冀反罷音皮

多方以誤之既罷而

後以三軍繼之必大克之闔廬從之楚於是乎始

病

為定四年吳入楚傳

經三十有一年春王正月公在乾侯○季孫意如

會晉荀躒于適歷

適歷晉地躒音歷適音的

○夏四月丁巳薛伯

穀卒

襄二十五年盟重邱

○晉侯使荀躒唁公于乾侯

將使意如迎公故荀躒來

唁

○秋葬薛獻公

傳無

○冬黑肱以濫來奔

黑肱邾大夫濫東海昌慮

縣不書邾史闕文○今昌慮故城在山東兗州府滕縣東南

○十有二月辛亥朔日有食

之

傳三十一年春王正月公在乾侯言不能外內也

公內不容於臣子外不容於齊晉所以久在乾侯○王氏錫爵曰左氏不知春秋存君之義

○晉侯將以師納公范獻子曰若召季孫而不來

則信不臣矣然後伐之若何晉人召季孫獻子使

私焉曰子必來我受其無咎

言我為子受無咎之任

季孫意如會

晉荀躒于適歷荀躒曰寡君使躒謂吾子何故出

君有君不事周有常刑子其圖之季孫練冠麻衣

跣行

示憂感○跣素典反

伏而對曰事君臣之所不得也敢逃

刑命

言願事君君不肯還不敢辟罪

君若以臣為有罪請囚于費以待

君之察也亦唯君若以先臣之故不絕季氏而賜

之死

雖賜以死不絕其後

若弗殺弗亡君之惠也死且不朽若

得從君而歸則固臣之願也敢有異心

君晉謂魯侯也蓋季孫探言罪

已輕重以答荀躒

夏四月季孫從知伯如乾侯

知伯荀躒逆公歸

子家

子曰君與之歸一慙之不忍而終身慙乎公曰諾

衆曰在一言矣君必逐之言晉既憂君君一言使晉必逐之荀躒以晉

侯之命唁公且曰寡君使躒以君命討於意如意

如不敢逃死君其入也公曰君惠顧先君之好施

及亡人將使歸糞除宗祧以事君則不能見夫人

已所能見夫人者有如河夫人謂季孫也言若見季孫已當受禍明如河以自誓○施以豉反荀

躒掩耳而走怪公所言示不忍聽曰寡君其罪之恐敢與知魯

國之難言恐獲不納君之罪今納而不入何敢復知耶○難去聲臣請復於寡君退而謂

季孫君怒未怠子姑歸祭歸攝君事子家子曰君以一乘

入于魯師季孫必與君歸公欲從之衆從者脅公

不得歸傳言君弱不得復自在

○薛伯穀卒同盟故書謂書名也入春秋來薛始書名故發傳經在荀躒唁公上傳在下者欲魯事相次

○秋吳人侵楚伐夷侵潛六皆楚邑○夷在今亳州故潛城六城在今壽州俱屬江南鳳陽

府楚沈尹戌帥師救潛吳師還楚師遷潛於南岡

而還吳師圍弦左司馬戍右司馬稽帥師救弦及

豫章左司馬沈尹戍吳師還始用子胥之謀也謀在前年

○冬邾黑肱以濫來奔賤而書名重地故也黑肱非命卿故

賤曰君子曰名之不可不慎也如是是黑肱也夫有所有名

而不如其已有所謂有地也言雖有名不如無名已止也以地叛雖賤必書地

以名其人終為不義弗可滅已。是故君子動則思

禮行則思義不為利回。回正心也。為去聲下同。不為義疚。疚病也。見義則為之。

或求名而不得。或欲蓋而名。章懲不義也。齊豹為

衛司寇守嗣大夫。守先人嗣。言其尊。作而不義其書為盜。求名而不

得也。三十年豹殺衛侯。兄欲求不畏疆禦之名。邾庶其。在襄二莒牟夷。在五年邾黑肱。以

土地出求食而已。不求其名賤而必書。春秋叛者多唯取三人來適魯。

者三人皆小國大夫。故曰賤。此二物者所以懲肆而去貪也。物事也。肆放也。豹書盜。

懲肆也。三叛人名。若艱難其身。身為艱難。以險危大人。大人在位者。而有名

章徹。謂得勇名。攻難之士將奔走之。攻猶作也。奔走猶赴趣也。若竊邑叛君

以徼大利而無名。謂不書其名。貪冒之民將寘力焉。盡力為之不顧。

於見是以春秋書齊豹曰盜三叛人名以懲不義。數

惡無禮其善志也。無禮惡逆皆數而不忘記。事之善者也。數所主反。故曰春秋之稱

稱尺。證反。微而顯。文微而義著。婉而辨。辭婉而旨別。辭雖婉順相似而旨意有殊。上之人

能使昭明。上之人謂在位者在位者能行其法非賤人所能。善人勸焉淫人懼焉是

以君子貴之。

○十二月辛亥朔日有食之是夜也。趙簡子夢童

子羸而轉以歌。轉宛轉也。羸力果反。旦占諸史墨曰吾夢如是

今而日食何也。簡子夢適與日食會。謂谷在己故問之。對曰六年及此月也。

吳其入郢乎終亦弗克史墨知夢非日食之應故釋日食之咎而不釋其夢入郢必以

庚辰庚辰日有變日在辰尾故曰以庚辰定四年十一月庚辰吳入郢日月在辰尾辰尾龍尾也周十二月今之十月

庚午之日日始有謫火勝盞故弗克謫變氣也庚午

十月十九日去辛亥朔四十一日雖食在辛亥更以始變為占也午南方楚之位也午火庚金也日以庚午有變故災在楚楚之仇敵唯吳故知入郢必吳火勝金者金為火妃食在辛亥亥水也水數六故六年也

經三十有二年春王正月公在乾侯取闕闕無傳公別居乾侯遣人誘

闕而取之不用師徒闕口暫反○夏吳伐越○秋七月○冬仲孫何

忌會晉韓不信齊高張宋仲幾衛世叔申鄭國參

曹人莒人薛人杞人小邾人城成周世叔申世叔儀孫也國參子產之子不書

開時公在外未及告公公已薨○十有二月己未公薨于乾侯十五

傳三十二年春王正月公在乾侯言不能外內又

不能用其人也其人謂子家羈也言公不能用其人故於今猶在乾侯

○夏吳伐越始用師於越也自此之前雖疆事小爭未嘗用大兵史墨曰

不及四十年越其有吳乎存亡之數不過三紀歲星三周三十六歲故曰不及四十年哀二十二年

越滅吳至此越滅吳至此越得歲而吳伐之必受其凶此年歲在星紀星紀吳越之分也歲星所

在其國有福吳先用兵故反受其殃。孔疏吳越同分而云越福吳凶者以吳先用兵故反受其殃也

○秋八月王使富辛與石張如晉請城成周子朝之亂其餘

黨多在王城敬王畏之徙都成周成周狹小故請城之天子曰天降禍于周俾我兄弟

春秋左傳卷之五

竝有亂心以為伯父憂俾使也兄弟謂子朝也伯父謂晉侯我一二親昵

甥舅不皇啓處於今年謂二十三年二師圍郊至於今勤戍五

年謂二十八年晉籍秦致諸侯之戍至於今余一人無日忘之念諸侯勞閔閔焉如農

夫之望歲懼以待時閔閔憂貌王憂亂常閔閔冀望安定如農夫之憂饑冀望來歲之將熟伯父

若肆大惠復二文之業弛周室之憂肆展放也二文謂文侯佚文公重耳弛猶

解也。弛。式氏反。徵文武之福以固盟主宣昭令名則余一

人有大願矣昔成王合諸侯城成周以為東都崇

文德焉作成周遷殷民以為京師之東都所以崇文王之德今我欲徵福假靈于成王

脩成周之城俾成人無勤諸侯用寧螫賊遠屏晉

之力也螫賊喻災害。螫亡侯反。其委諸伯父使伯父實重圍之俾

我一人無徵怨于百姓徵召也。而伯父有榮施先王庸

之庸功也先王之靈以為大功。施去聲。范獻子曰與其戍周不

如城之天子實云云欲罷戍而城。雖有後事晉勿與知可也

從王命以紓諸侯晉國無憂是之不務而又焉從

事紓音舒。魏獻子曰善使伯音對伯音韓不信。曰天子有命敢

不奉承以奔告於諸侯遲速衰序衰差也序次也。衰初危反。於是

焉在在周所命。言或緩或急之等差次序無不惟周所命。冬十一月晉魏舒韓不信

如京師合諸侯之大夫于狄泉尋盟且令城成周

春秋左傳卷之五

昭公

十四

魏子南面

尋平 邱盟 魏子南面居君位 衛彪侯曰魏子必有大咎于位以

令大事非其任也。彪侯衛大夫 彪彼蚪友 詩曰敬天之怒不敢戲

豫敬天之渝不敢馳驅。詩大雅戒王言當敬畏天之譴怒 不可遊戲逸豫 况

敢干位以作大事乎己丑士彌牟營成周計丈數

計所當城 之丈數也 揣高卑度高曰揣 揣初委反 度厚薄度深曰仞 仞而慎反 物

土方議遠邇物相也相取土之 方面遠近之宜 量事期知事幾 時畢 計徒庸知用幾 人功

慮材用知費幾 材用 書餼糧知用幾 糧食 以令役於諸侯屬役賦

丈付所當城尺丈。屬之欲反。屬役謂屬 聚下役也。今諸國各出若干役築若干丈 書以授帥帥諸侯 之大夫 而效

諸劉子效致 也 韓簡子臨之以為成命臨履其事以命諸侯 經所以不書魏舒

○十二月公疾徧賜大夫從公者 大夫不受賜子家子

雙琥琥下若。刻 玉為虎形 一環一璧輕服細好 之服 受之大夫皆受其

賜已未公薨子家子反賜於府人曰吾不敢逆君

命也大夫皆反其賜書曰公薨于乾侯言失其所

也不葬路衰 為失所 趙簡子問於史墨曰季氏出其君而民

服焉諸侯與之君死於外而莫之或罪也對曰物

生有兩有三有五有陪貳故天有三辰謂有 三 地有五

行謂有 五 體有左右謂有 兩 各有妃耦謂陰 妃吉配 王有公諸侯

有卿皆有貳也天生季氏以貳魯侯為日久矣民

春秋傳註卷五 昭公 五 聖傳

之服焉不亦宜乎魯君世從其失季氏世脩其勤

民忘君矣雖死於外其誰矜之社稷無常奉奉之無常人之言

唯德也。從子用反。君臣無常位自古以然史記跡古今以實言故詩曰高

岸為谷深谷為陵詩小雅言高下有變易三后之姓於今為庶主

所知也三后虞夏商在易卦雷乘乾曰大壯乾下震上大壯震在乾上

故曰雷乘乾天之道也乾為天子震為諸侯而在乾上君臣易位猶臣大強壯若天上有雷昔成季友桓

之季也文姜之愛子也始震而卜卜人謁之曰生

有嘉聞嘉名聞於世。音問。其名曰友為公室輔及生如卜人

之言有文在其手曰友遂以名之既而有大功於

魯公受費以為上卿至於文子武子文子行父武子宿世增

其業不廢舊績魯文公薨而東門遂殺適立庶魯

君於是乎失國失國權政在季氏於此君也四公矣民

不知君何以得國是以為君慎器與名不可以假

器車服人名爵號

春秋左傳杜注卷第二十六

春秋左傳杜注卷二十七

春秋左傳杜注卷第二十七

華亭姚培謙學

定公 名宋襄公之子昭公之弟謚法安民大慮曰定

經元年春王 公之始年而不書正月公即位 三月晉人執宋仲幾

于京師 晉執入于天子之側而不以歸京師故但書其執不書所歸 幾音機 夏六月癸亥公

之喪至自乾侯 告於廟故書至 戊辰公即位 定公不得以正月即位失其時故詳而日

之記事之宜無義例 秋七月癸巳葬我君昭公 公在外葬故八月乃葬 九

月大雩 無傳過也 立煬宮 煬公伯禽子也其廟已毀季氏禱之而立其官書以譏之 煬羊讓反 冬

十月隕霜殺菽 無傳周十月今八月隕霜殺菽非常之災

春秋左傳杜注卷二十七

定公

貴南

傳元年春王正月辛巳晉魏舒合諸侯之火夫于

狄泉將以城成周魏子泄政位臨也代天子大夫為政衛彪僂衛大夫曰

將建天子立天子之居而易位以令非義也前于位是于君之位此易位是易天子

乎是行也魏獻子屬役於韓簡子及原壽過簡子薛起孫不

而田於大陸焚焉禹貢大陸在鉅鹿北魏絕遠疑此田在汲郡吳

子去其柏椁以其未復命而田也范獻子代魏子為政去其柏椁示貶之孟

懿子曾城成周不書公未即位庚寅裁裁設板築裁才代反宋仲幾不孚

功曰滕薛邾吾役也欲使三國代宋受功役也即五兮反小邾國薛宰曰宋為

無道絕我小國於周以我適楚故我常從宋晉文

公為踐土之盟在僖二十八年曰凡我同盟各復舊職若從

踐土若從宋亦唯命仲幾曰踐土固然固曰從舊薛舊為宋役薛

宰曰薛之皇祖奚仲居薛以為夏車正皇大也奚仲為夏禹掌車服大

夫奚仲遷于邳邳下邳縣仲虺居薛以為湯左相仲虺奚仲之後若

復舊職將承王官何故以役諸侯承奉仲幾曰三代

各異物薛焉得有舊言居周世不得以夏殷為舊為宋役亦其職也

士彌牟曰晉之從政者新言范獻子新為政未習故事子姑受功歸

定公

定公

定公

定公

定公

定公

定公

定公

定公

春秋左傳卷之七

吾視諸故府求故仲幾曰縱子忘之山川鬼神其忘

諸乎山川鬼神士伯怒謂韓簡子曰薛徵於人典籍故

盟所告也宋徵於鬼取證於鬼神宋罪大矣且已無辭而抑我以

神誣我也啓寵納侮其此之謂矣開寵通分則必以仲

幾為戮乃執仲幾以歸三月歸諸京師知以歸不可故

城三旬而畢乃歸諸侯之戍齊高張後不從諸侯

後期不及晉女叔寬曰周萇弘齊高張皆將不免叔寬

也萇叔違天高子違人天既厭周德萇弘欲遷都以延其祚故

期故曰違人○王氏應麟曰以萇弘天之所壞不可支也眾之

所為不可奸也為哀三年周人殺萇

○夏叔孫成子逆公之喪于乾侯成子叔孫季孫曰

子家子亟言於我未嘗不中吾志也吾欲與之從

政子必止之且聽命焉宋事皆詒子家子不見叔孫

易幾而哭幾哭會也不欲見叔孫故叔孫請見子家子子家

子辭曰羈未得見而從君以出出時成子君不命而

薨羈不敢見言未受昭公之命叔孫使告之曰公衍公

為實使羣臣不得事君二子始謀逐季氏始謀不言公若公

子宋主社稷則羣臣之願也宋昭公凡從君出而可

春秋左傳卷之七

定公

三

德榮

以入者將唯子是聽子家氏未有後季孫願與子
從政此皆季孫之願也使不敢以告不敢叔孫
成子名對曰

若立君則有卿士大夫與守龜在羈弗敢知若從

君者則貌而出者入可也貌出謂以義從公
與季氏無實怨寇而出者

行可也與季氏為寇
辯者自可去若羈也則君知其出也君昭
公而未知

其入也羈將逃也喪及壞墮公子宋先入從公者

皆自壞墮反山六月癸亥公之喪至自乾侯戊辰

公即位諸侯薨五日而殯殯則嗣子即位癸亥
昭公喪至五日殯於宮定公乃即位季孫使役如闕

公氏將溝焉闕魯葬公墓所在也季孫惡昭公欲溝絕其兆域不使
與先君同。孔疏春秋言氏猶如言家故謂公之墓地為

公氏言是公死之家宅也公氏將溝
焉猶言將溝公氏焉古人多倒語榮駕鸞曰生不能事死又

離之以自旌也駕鸞魯大夫榮成伯
也旌章也。駕音加縱子忍之後必或恥

之乃止季孫問於榮駕鸞曰吾欲為君謚使子孫

知之為惡
謚對曰生弗能事死又惡之以自信也將焉

用之乃止自信謂自實
其不臣之迹也秋七月癸巳葬昭公於墓道

南孔子之為司寇也溝而合諸墓明臣無貶君之義。自
昭公墓外為溝使與先

君墓
合

○昭公出故季平子禱于煬公九月立煬宮平子逐
君懼而

請禱於煬公昭公死於外
自以為獲福故立其宮

○周鞏簡公弃其子弟而好用遠人簡公周卿士遠人異族也為明年鞏氏賊

簡公張本

經二年春王正月○夏五月壬辰雉門及兩觀災

無傳雉門公宮之南門兩觀闕也天火曰災○觀去聲○秋楚人伐吳囊瓦稱人見誘以敗軍○冬十

月新作雉門及兩觀無傳

傳二年夏四月辛酉鞏氏之羣子弟賊簡公傳言弃親用疏

所以敗也

○桐叛楚桐小國廬江舒縣西南有桐鄉○今江南安慶府桐城縣北有古桐城即桐國也與廬江縣接吳子使

舒鳩氏誘楚人舒鳩楚屬國曰以師臨我教舒鳩誘楚使以師臨吳我伐桐

為我使之無忌吳伐桐也偽若畏楚師之臨己而為伐其叛國以取媚者也欲使楚不忌吳所謂多方以誤之○為去聲

秋楚囊瓦伐吳師于豫章從舒鳩言吳人見舟于豫章偽將為楚

伐桐○見音現而潛師于巢實欲以擊楚冬十月吳軍楚師于豫章

敗之楚不忌故遂圍巢克之獲楚公子繁繁守巢大夫

○邾莊公與夷射姑飲酒私出射姑邾大夫出辟酒○射音亦闔乞肉

焉奪之杖以敲之奪闔杖以敲闔頭也為明年邾子卒傳○敲口交反

經三年春王正月公如晉至河乃復無傳○二月辛

卯邾子穿卒再同盟○夏四月○秋葬邾莊公六月乃葬緩○

冬仲孫何忌及邾子盟于拔拔地闕

春秋左傳卷三十一

傳三年春二月辛卯邾子在門臺門上臨廷闈以解

水沃廷邾子望見之怒闈曰夷射姑旋焉旋小命執

之見其不潔弗得滋怒自投于牀廢于鑪炭爛遂卒

執射姑廢齊也隋徒人反先葬以車五乘殉五人欲藏中之潔故先內車及殉別為便房蓋其遺命莊

公卞急而好潔故及是疾也

○秋九月鮮虞人敗晉師于平中平中晉地獲晉觀虎恃

其勇也為五年士鞅

○冬盟于邾邾即脩邾好也公即位

○蔡昭侯為兩佩與兩裘佩玉也以如楚獻一佩一裘

於昭王昭王服之以享蔡侯蔡侯亦服其一子常

欲之弗與三年止之唐成公如楚有兩肅爽馬子

常欲之成公唐惠侯之後肅爽駿馬名弗與亦三年止之唐人或相

與謀請代先從者許之飲先從者酒醉之竊馬而

獻之子常子常歸唐侯自拘於司敗竊馬者自拘曰

君以弄馬之故隱君身隱憂弃國家羣臣請相夫人

以償馬必如之相助也夫人唐侯曰寡人之過也二三

子無辱皆賞之蔡人聞之固請而獻佩于子常子

常朝見蔡侯之徒命有司曰蔡君之久也官不禁

春秋左傳卷三十一 定公

也言楚所以禮遣蔡侯之物不共備故明日禮不畢將死遣蔡侯之禮蔡侯歸及

漢執玉而沈曰余所有濟漢而南者有若六川復渡漢當受禍明如大川○沈音鳩蔡侯如晉以其子元與其大夫之子

為質焉而請伐楚為明年會召陵張本

經四年春王二月癸巳陳侯吳卒無傳未同盟而赴以名癸巳正月七日書二月從赴

○三月公會劉子晉侯宋公蔡侯衛侯陳子鄭伯

許男曹伯莒子邾子頓子胡子滕子薛伯杞伯小

邾子齊國夏于召陵侵楚於召陵先行會禮入楚竟故書侵○夏四月

庚辰蔡公孫姓帥師滅沈以沈子嘉歸殺之姓音生又作

○五月公及諸侯盟于臯鼬台陵會劉子諸侯總言之也繁昌縣東南有城臯亭復稱臯亭今在河南開封府臨潁縣界

○杞伯成卒于會無傳○世子乞嗣是為隱公自立是為僖公

○六月葬陳惠公無傳○許遷于容城

○秋七月公至自會無傳○劉卷卒無傳即劉金也劉子奉命出盟召陵死則

○葬杞悼公無傳○楚

圍蔡不服故也○晉士鞅衛孔圉帥師伐鮮虞無傳孔圉孔羈孫士

○葬劉文公無傳○冬十有一月庚午蔡侯以吳

子及楚人戰于柏舉楚師敗績師能左右之曰以皆陳曰戰大崩曰敗績吳為蔡討楚從

蔡計謀故書蔡侯以吳子言能左右之也囊瓦稱人貪以致敗不能死難罪

春秋左傳卷之七

并數閭。○名勝志云：麻城縣東北三十里有柏子山，縣東南有舉水，柏舉之名，蓋合柏山舉水而得之。今麻城縣屬湖廣黃州府。

出奔鄭。書名。惡之。庚辰，吳入郢。弗地曰入。吳不稱子，史更文。

傳四年春三月，劉文公合諸侯于召陵，謀伐楚也。

文公，王官伯也。晉人假王命以討楚之。久留蔡侯，故曰文公合諸侯。晉荀寅求貨於蔡侯，弗得，言

於范獻子曰：「國家方危，諸侯方貳，將以襲敵，不亦

難乎？」水潦方降，疾瘧方起，中山不服。中山，鮮虞。弃盟，取怨

無損於楚。晉楚同盟，伐之為取怨。而失中山，不如辭蔡侯，吾自方

城以來，楚未可以得志。晉敗楚，侵方城。在襄十六年。祇取勤焉，乃辭

蔡侯。晉人假羽旄於鄭，鄭人與之。析羽為旄，王者遊車之所建，鄭私有之，因謂之

羽旄借觀之。明日，或旆以會。或，賤者也。繼旆曰旆，令賤人施其旆，執以從會，示卑鄭。旆，帛續旒末為燕尾者，旒為旆

身，旆謂旂尾。晉令賤人建此羽旄，施其旆旒於下，執之以從其會。晉於是乎失諸侯。傳言晉無禮，所以遂弱。將

會，衛子行敬子言于靈公。子行敬子，衛大夫。曰：「會同難，難得，嘖

有煩言，莫之治也。」嘖，責也。煩言，忿爭。○嘖音責，爭言也。其使祝佗從。祝佗，犬

河反。公曰：「善。」乃使子魚、子魚辭曰：「臣展四體以率

舊職，猶懼不給，而煩刑書，若又共二共二職徼大罪也。

且夫祝社稷之常隸也。隸，賤也。社稷不動，祝不出竟，官

之制也。社稷動，謂國遷。君以軍行，被社稷，蒙鼓。師出先有事，被禱於社，謂之宜社，於是殺牲以

血塗鼓，為費鼓。祝奉以從。奉社主也。於是乎出竟，若嘉好之事。謂會

春秋左傳卷之七

定公

君行師從二千五百人卿行旅從五百人臣無事焉公曰行也

及臯鼬將將長蔡於衛欲令蔡先衛敵衛侯使祝佗私於萇

弘曰聞諸道路不知信否若聞蔡將先衛信乎萇

弘曰信蔡叔康叔之兄也蔡叔周公兄康叔周公弟先衛不亦可乎

子魚曰以先王觀之則尚德也昔武王克商成王

定之選建明德以藩屏周故周公相王室以尹天

下君正也於周為睦睦親厚也以盛德見親厚分魯公以大路大旂魯公伯禽也此

大路金路錫同姓諸侯車也交龍為旂周禮同姓以封分扶問反下並同夏后氏之璜璜美玉名周禮鄭注半璧曰璜封父之繁弱封父古諸侯也繁弱大弓名殷民六族條氏徐氏蕭

氏索氏長勺氏尾勺氏使帥其宗氏輯其分族將

其類醜醜衆也勺市灼反以法則周公用即命于周即就也使六族就周受周

是使之職事于魯共魯公之職事以昭周公之明德昭顯也分

之土田陪敦陪增也敦厚也祝宗卜史大祝宗人大小史凡四官備物典策

官司彝器官司百官也彝器常用器因商奄之民商奄國名也與四國流言或迸散在魯皆

命以伯禽伯禽周公世子時周公唯遣伯禽之國故皆以付伯禽劉氏炫以為伯禽亦命書篇名而

封於少皞之虛少皞虛曲阜也在魯城內分康叔康叔衛之祖以大路少帛

績茂旃旌少帛雜帛也績茂大赤取染草名也通帛為旃析羽為旌績七見反旃音吹孔疏周禮司常云通帛為旃雜帛為物鄭云

通帛為大赤從周正色無飾雜帛者以帛素飾其側白殷之正色大赤是通帛知少帛是雜帛也積染赤之草旃即旆也旆是旂尾尾猶用赤則通身皆赤知

以為已卿士為周公臣見諸王而命之以蔡命為蔡侯其命書云

王曰胡無若爾考之違王命也胡蔡仲名若之何其使蔡

先衛也武王之母弟八人周公為大宰康叔為司

寇聃季為司空五叔無官豈尚年哉五叔管叔鮮蔡叔度成叔武霍叔處

曹文之昭也文王子與周公異母晉武之穆也武王子曹為伯甸

非尚年也以伯爵居甸服言小今將尚之是反先王也晉文公

為踐土之盟衛成公不在夷叔其母弟也猶先蔡

踐土名陵二會經書蔡在衛上霸主以剛大小之序也子魚所言盟歆之次其載書云王若曰晉重

文公重直龍反魯申信衛武叔蔡甲午莊鄭捷文齊潘昭

宋王臣成莒期茲不公也齊序鄭下周之宗盟異姓為後藏在周府可覆視也

吾子欲復文武之畧畧道也而不正其德將如之何萇

弘說告劉子與范獻子謀之乃長衛侯於盟反自

召陵鄭子大叔未至而卒晉趙簡子為之臨甚哀

曰黃父之會在昭二十五年為臨並去聲夫子語我九言曰無始亂

無怙富無恃寵無違同無敖禮無驕能以能驕人無復怒

復重也○復扶又反無謀非德非所謀也無犯非義傳言簡子能用善言所以遂興

○沈人不會于召陵晉人使蔡伐之夏蔡滅沈秋

楚為沈故圍蔡伍員為吳行人以謀楚楚之殺郤

宛也

在昭二十七年

伯氏之族出

郤克

伯州犁之孫嚭為吳大

宰以謀楚楚自昭王即位無歲不有吳師蔡侯因

之以其子乾與其大夫之子為質於吳冬蔡侯吳

子唐侯伐楚

唐侯不書兵屬於吳蔡。詬晉鄙反

舍舟于淮汭

自豫章與楚夾漢

豫章漢東江北地名

左司馬戍謂子常曰子

公漢而與之上下

沿緣也。緣漢上下。遮使勿渡

我悉方城外以毀其

舟

以方城外人毀吳所舍舟

還塞大隧直棘冥阨

子濟漢而伐之我自後擊之必大敗之既謀而行

武城黑謂子常

黑楚武城大夫

曰吳用木也我用革也

用軍器

可久也不如速戰史皇謂子常楚人惡子而好司

馬

史皇楚大夫司馬沈尹成若司馬毀吳舟于淮塞城口而入

城口三隘道之

名是獨克吳也子必速戰不然不免乃濟漢而陳

自小別至于大別

禹貢漢水至大別南入江然則此二別在江夏界。小別山今在湖廣漢陽府漢川縣北大別

山在漢陽府漢陽縣東北

三戰子常知不可欲奔

知吳不可勝

史皇曰安求

其事

求知政事

難而逃之將何所入子必死之初罪必盡

說

言致死以克吳可以

十一月庚午二師陳于柏舉

經所以書戰

師吳楚師

闔廬之弟夫槩王晨請於闔廬曰楚死不仁

及子常名

其臣莫有死志先伐之其卒必奔而後大師繼之

必克弗許。夫槩王曰：所謂臣義而行，不待命者，其此之謂也。今日我死，楚可入也。以其屬五千先擊子常之卒。子常之卒奔。楚師亂，吳師大敗之。子常奔鄭。史皇以其乘廣死。以戰死。乘，廣，重去聲。吳從楚師，及清發。清發，水名。水經注：潁水南，逕石巖山，北亦謂之清水。即清發也。今石巖山在湖廣德安府安陸縣城西八十里。將擊之。夫槩王曰：困獸猶鬪，况人乎？若知不免而致死，必敗我。若使先濟者知免，後者慕之，蔑有鬪心矣。半濟而後可擊也。從之。又敗之。楚人為食，吳人及之，奔食而從之。敗諸雍澁。五戰及郢。奔，食者走不捕，故不在戰數。今湖廣安陸府京山縣西南有三澁水。

春秋之雍澁，其一也。五戰，謂濟、漢而陳，自小別至于大別，三戰也。柏舉也。清發也。己卯，楚子取其妹季芊

昇我，以出。涉睢。睢水出新城，昌魏縣東南，至枝江縣入江。是楚王西走。芊，面爾反。昇我，季芊之字。睢，七餘反。今安陸

府當陽縣北一里有沮水。鍼尹固與主同舟。王使執燧象以

奔吳師。燒火燧繫象尾，使赴吳師，驚却之。鍼，林反。庚辰，吳入郢，以班處宮。以尊

次處楚王宮室。子山處令尹之宮。子山，吳王。夫槩王欲攻之，懼而

去之。夫槩王入之。人令尹宮也。言吳無禮，所以不能遂克。左司馬戌及息而

還。息，汝南新息也。聞楚敗，故還。敗吳師于雍澁。傷司馬先敗吳師，而身被創。初，司馬臣

闔廬故恥為禽焉。司馬嘗在吳，為闔廬臣，是以今恥於見禽。謂其臣曰：誰能免

吾首？吳句卑曰：臣賤，可乎？司馬曰：我實失子，可哉。

失不知子賢○句古侯反三戰皆傷曰吾不可用也已句卑衣裳到

而裹之司馬已死藏其身而以其首免傳言司馬之忠壯楚子涉

睢濟江入于雲入雲夢澤中折謂江南之夢王寢盜攻之以戈擊

王王孫由于以背受之中肩王奔鄖鍾建負季芊

以從鍾建楚大夫由于徐蘇而從以背受戈故當時悶絕鄖公辛之弟懷

將弑王曰平王殺吾父我殺其子不亦可乎辛蔓成然之子

鬪辛也昭十四年楚平王殺成然辛曰君討臣誰敢讐之君命天也若死

天命將誰讐詩曰柔亦不茹剛亦不吐不侮矜寡

不畏彊禦唯仁者能之詩大雅言仲山甫不辟彊陵弱矜古頑反違彊陵弱

非勇也乘人之約非仁也滅宗廢祀非孝也弑君罪應滅宗

動無令名非知也必犯是余將殺女鬪辛與其弟

巢以王奔隨吳人從之謂隨人曰周之子孫在漢

川者楚實盡之天誘其衷致罰於楚而君又竄之

竄音周室何罪君若顧報周室施及寡人以獎天衷

獎成也施音異君之惠也漢陽之田君實有之楚子在公

宮之北隨公寔吳人在其南子期似王子期昭王兄公子結也逃王而

已為王曰以我與之王必免隨人卜與之不吉乃

辭吳曰以隨之辟小而密邇於楚楚實存之世有

盟誓至于今未改若難而弃之何以事君執事之

患不唯一人楚王若鳩楚竟敢不聽命吳人乃退鳩安集也

鑪金初宦於子期氏實與隨人要言要言無以楚王與吳并欲脫子期鑪本

又作鏡王喜其意欲引見之以比王臣且欲使盟隨人辭曰不敢以約為利

此約謂要言也此一時之事非為德舉故辭不敢見亦不肯為盟主言不敢乘君父困約之時以為利王割子期之

心以與隨人盟當心前割取血以盟示其至心初伍員與申包胥友包胥楚大夫

夫包必交反其亡也謂申包胥曰我必復楚國復報也申包胥

曰勉之子能復之我必能興之及昭王在隨申包

胥如秦乞師曰吳為封豕長蛇以荐食上國荐數也言吳貪害也

蛇虐始於楚寡君失守社稷越在草莽使下臣告

急曰夷德無厭若鄰於君疆場之患也吳有楚則與秦鄰厭平聲場

亦音逮吳之未定君其取分焉與吳共分楚地取分扶問反若楚之遂

亡君之土也若以君靈撫之世以事君撫存恤也秦伯使

辭焉曰寡人聞命矣子姑就館將圖而告對曰寡

君越在草莽未獲所伏伏猶處也下臣何敢即安立依於

庭牆而哭日夜不絕聲勺飲不入口七日秦哀公

為之賦無衣詩秦風取其于興師脩我戈矛與子同仇與子偕作與子偕行九頓首而坐無衣三章

章三頓首秦師乃出為明年包胥以秦師至張本

定公 省南

經五年春王三月辛亥朔日有食之無傳夏歸粟

于蔡蔡為楚所圍饑於越入吳於發六月丙申季孫

意如卒故魯歸之粟秋七月壬子叔孫不敢卒無傳冬晉士

鞅帥師圍鮮虞

傳五年春王人殺子朝于楚因楚亂也終

夏歸粟于蔡以周亟矜無資也

越入吳吳在楚也

六月季平子行東野東野季氏邑行下還未至丙申

卒于房東野及房蓋陽虎將以瑱璠斂瑱璠美玉君所佩仲

梁懷弗與懷亦季曰改步改玉昭公之出季孫行君事佩瑱璠

步則亦當去瑱璠孔疏玉藻云君與尸行接武大夫繼武士中武鄭云尊者尚徐接武踏半跡繼武迹相及中武迹間容迹是步不同也又云公侯佩山玄玉大夫佩水陽虎欲逐之告公山不狃不狃曰彼

為君也子何怨焉不狃季氏臣費宰子洩也既葬桓子行東

野桓子意如及費子洩為費宰逆勞於郊桓子敬之

勞仲梁懷弗敬懷時從桓子子洩怒謂陽虎子行之乎

行逐懷也為下陽虎囚桓子起

申包胥以秦師至秦子蒲子虎帥車五百乘以

救楚五百乘三萬子蒲曰吾未知吳道道猶使楚人先與

春秋傳注疏卷之五

定公

宋

吳人戰而自稷會之。大敗夫槩王于汧。稷沂皆楚地。稷當在河南南

陽府桐柏縣境吳人獲遠射於柏舉。遠射楚大夫其子帥奔徒。奔徒楚散卒

以從子西。敗吳師於軍祥。楚地。當在湖廣德安府隨州西南秋七月。子

期子蒲滅唐。從吳伐楚故九月。夫槩王歸。自立也。以與王

戰而敗。自立為吳王號夫槩奔楚。為堂谿氏。傳終言之吳師敗楚師于

雍澁。秦師又敗吳師。吳師居麋。麋地名。麋九倫反。今湖廣岳州府巴陵縣東有麋城

子期將焚之。子西曰。父兄親暴骨焉。不能收。又焚

之。不可。前年楚人與吳戰多死麋中言不可并焚子期曰。國亡矣。死者若有知

也。可以歆舊祀。言焚吳復楚則祭祀不廢豈憚焚之。焚之而又戰。吳

師敗。又戰于公婿之谿。楚地名吳師大敗。吳子乃歸。因

闔與罷闔與罷請先。遂逃歸。與罷楚大夫請先至吳而逃歸言吳唯得楚一大夫復失之所

以不克。闔音因。罷音皮葉公諸梁之弟后臧。從其母於吳。不待而

歸。諸梁司馬沈尹戌之子。葉公子高也。吳入楚獲后臧之母。楚定臧弃母而歸葉公終不正視。不義之

○乙亥。陽虎囚季桓子。及公父文伯。文伯季桓子從父昆弟也。陽虎欲為亂。恐

二子不從。故囚之而逐仲梁懷。冬十月丁亥。殺公何藐。藐季氏族已

丑。盟桓子于稷門之內。魯南城門庚寅。大誚。逐公父歆。及

秦遄。皆奔齊。歆即文伯也。秦遄平子姑壻也。傳言季氏之亂。歆昌欲反

○楚子入于郢。吳師已歸初。鬪辛聞吳人之爭宮也。曰。吾

聞之不讓則不和。不和不可以遠征。吳爭於楚，必

有亂。有亂則必歸。焉能定楚王之奔隨也。將涉於

成。曰江夏竟陵縣有白水出，聊屈山西南入漢。今湖廣漢陽府漢川縣有白水，亦名曰子河。西南與漢水合。藍尹亶涉

其帑寧安不與王舟。及寧王欲殺之寧安。子西曰：子常

唯思舊怨，以敗君，何效焉？王曰：善使復其所。吾以

志前惡惡過也。王賞鬬辛。王孫由于、王孫圉、鍾建、鬬巢

申包胥、王孫賈、宋木鬪懷九子皆從王有大功者。子西曰：請舍懷

也以初謀弑王也。王曰：大德滅小怨，道也終從其兄免王大難是大德。申包胥

曰：吾為君也，非為身也。君既定矣，又何求？且吾尤

子旗其又為諸子旗莫成然也。以有德於平王，求欲無厭，平王殺之。在昭十四年。遂逃賞。王將

嫁季芊。季芊辭曰：所以為女子，遠丈夫也。鍾建負

我矣，以妻鍾建，以為樂尹司樂大夫遠去聲。王之在隨也，子

西為王輿服，以保路。國于脾洩脾洩楚邑也。失王恐國人潰散，故偽為王車服，立國脾洩。聞王所在，而後從王。王使由于

城麋於麋築城復命。子西問高厚焉。弗知。子西曰：不能如

辭言自知不能當辭，勿行。敢為不敢，如為不如。古人之語然也。城不知高厚，小大何知？對

曰：固辭不能。子使余也。人各有能有不能。王遇盜

於雲中，余受其戈，其所猶在。袒而示之背，曰：此余

於雲中，余受其戈，其所猶在。袒而示之背，曰：此余

於雲中，余受其戈，其所猶在。袒而示之背，曰：此余

所能也。脾洩之事，余亦弗能也。

傳言昭王所以復國有賢臣也

○晉士鞅圍鮮虞，報觀虎之役也。

三年鮮虞獲晉觀虎

經六年春，王正月癸亥，鄭游速帥師滅許，以許男

斯歸。

游速，犬叔子。斯，執元公成立。

○二月，公侵鄭，公至自侵鄭。

夏季，孫斯、仲孫何忌如晉。○秋，晉人執宋行人樂

祁犁。

稱行人言，非其罪。

○冬，城中城。

無傳，公為晉侵鄭，故懼而城之。

○季孫斯、仲

孫忌帥師圍鄆。

無傳，何忌不言何闕文，鄆貳於齊，故圍之。

傳六年春，鄭滅許，因楚敗也。

○二月，公侵鄭，取匡為晉討鄭之伐胥靡也。

胥靡，用也。周

僖公因鄭人以作亂，鄭為之伐胥靡，故晉使魯討之。匡，鄭地，取匡不書，歸之晉。僖，丁甘反。

往不假道於衛，及

還，陽虎使季孟自南門入，出自東門。

陽虎將逐三桓，欲使得罪於鄰國。舍

於豚澤，衛侯怒，使彌子瑕追之。

彌子瑕，衛嬖大夫。

公叔文子

老矣。

文子，公叔發。

輦而如公，曰：「尤人而效之，非禮也。」

昭公

之難，君將以文之舒鼎。

衛文公之鼎。

成之，昭兆。

寶龜。

定之，鑿

鑑。

鑿帶而以鏡為飾也。今西方羌胡猶然古之遺服。

苟可以納之，擇用一焉。公子與

二三臣之子，諸侯苟憂之，將以為之質。

為質，求納魯昭公。

此

羣臣之所聞也。今將以小忿蒙舊德。

蒙，覆也。

無乃不可

乎？犬妣之子。

犬妣，文王妃。

唯周公康叔為相睦也，而效小

人以弃之。不亦誣乎。天將多陽虎之罪以斃之。君姑待之。若何乃止。止不伐魯師

○夏季桓子如晉。獻鄭俘也。獻此春取陽虎強使孟

懿子往報夫人之幣。虎欲困辱三桓并求媚於晉故強使正卿報晉夫人之聘晉人無享

之。賤魯故不復兩設禮明經所以不備書孟孫立于房外。謂范獻子曰：陽虎

若不能居魯而息肩於晉，所不以為中軍司馬者，

有如先君。稱先君以徵其言若欲使晉必厚待之獻子曰：寡君有官將使其

人。擇得其人鞅何知焉。獻子謂簡子曰：魯人患陽虎矣。孟

孫知其釁，以為必適晉，故強為之請，以取入焉。飲魯人

聞虎當逃走故強設請託之辭因此言以入晉令晉素知之

○四月己丑，吳犬子終纍敗楚舟師。終纍闔廬子大差兄舟師水戰○纍力追

獲潘子臣、小惟子。二子楚舟師之帥○惟本又作惟及大夫七人，楚國

大惕懼亡。子期又以陵師敗于繁揚。陵師陸軍令尹子西

喜曰：乃今可為矣。言知懼而後可治於是乎遷郢於都。○改都為郢

而改紀其政，以定楚國。傳言楚賴子西以安

○周儋翩率王子朝之徒，因鄭人將作亂于周。儋子朝之

鄭於是乎伐馮滑、胥靡，負黍、狐人闕外。鄭伐周餘黨

魯伐鄭取莊前於此見者為戊周起也○陽城縣西南有負黍亭○今河南河南南府登封縣有負黍聚後漢志穎陰縣有狐宗鄉古狐人亭也在今河南開封

府許州臨潁縣關外即伊關外之邑也在今河南府洛陽縣陶關塞山下

六月晉閻沒戍周且城胥

靡為下天王出居姑蘓起

○秋八月宋樂祁言於景公曰諸侯唯我事晉今

使不往晉其憾矣樂祁告其宰陳寅以與公言告之陳寅曰

必使子往他日公謂樂祁曰唯寡人說子之言子

必往陳寅曰子立後而行吾室亦不亡寅知晉政多門往必有難故使

唯君亦以我為知難而行也見溷而行溷樂祁子也見

趙簡子逆而飲之酒於縣上獻楊楯六十於

簡子楊木名○楯食允反陳寅曰昔吾主范氏今子主趙氏又

有納焉以楊楯賈禍弗可為也已知范氏必怨將得禍然子死

晉國子孫必得志於宋以其為國死范獻子言於晉侯曰

以君命越疆而使未致使而私飲酒不敬二君不

可不討也乃執樂祁獻子怒祁比趙氏經所以稱行人

○陽虎又盟公及三桓於周社盟國人于亳社詛

于五父之衢傳言三桓微陪臣專政為八年陽虎作亂起

○冬十二月天王處于姑蘓姑蘓周地辟僖翩之亂也為明

年單劉逆王起

經七年春王正月○夏四月○秋齊侯鄭伯盟于

鹹衛地。陳氏傳良曰：特相盟，自齊桓以來未之有也。於是再見諸侯無主盟矣。是故石門志諸侯之合于鹹，志諸侯之散。○齊人

執衛行人北宮結以侵衛。稱行人非使人之罪齊侯衛侯盟于

沙。結叛晉也。陽平元城縣東南有沙亭。在今直隸大名府元城縣東。○大雩。無傳。過也。○齊國夏帥

師伐我西部。夏國。佐孫。○九月大雩。無傳。過也。○冬十月

傳七年春二月周僖嗣入于儀栗以叛。儀栗。周邑。

○齊人歸鄆陽關陽虎居之以為政。鄆陽關皆魯邑中。貳於齊齊今歸之。

不書虎專之

○夏四月單武公穆公劉桓公文公敗尹氏于窮谷。尹氏復黨

僖嗣共為亂也

秋齊侯鄭伯盟于鹹。徵會于衛。徵名。衛侯欲叛晉

鄭也諸大夫不可使北宮結如齊而私於齊侯曰

執結以侵我。欲以齊師懼諸大夫齊侯從之乃盟于瑣。瑣即沙也。為明年涉

佗梭衛侯手起

○齊國夏伐我。齊叛晉故陽虎御季桓子公斂處父御孟

懿子。處父孟氏家臣成宰公斂陽。斂力檢反。將宵軍齊師齊師聞之墮伏而

待之。墮毀其軍以誘敵而設伏兵。墮許規反。處父曰虎不圖禍而必死。而也。苦

夷曰虎陷二子於難。苦夷季氏家臣二子。季孟。苦始占反。不待有司余必

殺女虎懼乃還不敗。傳言陪臣強能自相制季孟不敢有心。

○冬十一月戊午單子劉子逆王于慶氏慶氏守姑猶大夫

晉籍秦送王已巳王入于王城已巳十二月五日有日無月館于公

族黨氏黨氏周大夫黨音掌而後朝于莊宮莊王廟也

春秋左傳杜注卷第二十七

春秋左傳杜注卷第二十八

華亭姚培謙學

定公

經八年春王正月公侵齊報前年伐我西鄙公至自侵齊無傳

○二月公侵齊志未得三月公至自侵齊無傳○曹伯露

卒無傳四年盟臯鼫○自聲公立五年其弟通弒之代立是為隱公隱公立四年其弟露又弒之代立凡立四年卒于陽嗣○夏齊

國夏帥師伐我西鄙○公會晉師于瓦瓦齊地將來救魯公逆會之東

公至自瓦無傳○秋七月戊辰

陳侯柳卒無傳四年○晉士鞅帥師侵鄭遂侵衛兩事故曰

春秋左傳卷下

遂 ○葬曹靖公無傳 ○九月葬陳懷公無傳三月而葬 ○季孫

斯仲孫何忌帥師侵衛 ○冬衛侯鄭伯盟于曲濮

無傳結叛晉曲濮衛地蓋濮水曲折之處在今山東東昌府濮州境 ○從祀先公從順也先公閔公僖公也將正二公之位次所

順非一親盡故通言先公 ○盜竊寶玉大弓盜謂陽虎也家臣賤名氏不見故曰盜寶玉夏后氏之璜大弓封父之繁弱

傳八年春王正月公侵齊門于陽州攻其門 士皆坐列

言無 曰顏高之弓六鈞顏高魯人三十斤為鈞六鈞百八十五斤古稱重故以為異強稱尺證反強其丈反

取而傳觀之陽州人出顏高奪人弱弓籍邱子鉏

擊之與一人俱斃子鉏齊人斃也前覆曰仆 偃且射子鉏中頰殪

子鉏死射音石 顏息射人中眉顏息魯人 退曰我無勇吾志其目

也以自 師退冉猛傷足而先猛魯人欲先歸 其兄會乃呼曰

猛也殿會見師退而猛不在列乃大呼詐言猛在後為殿傳言魯無軍政呼去聲

○二月己丑單子伐穀城劉子伐儀栗訓儀栗之黨穀城在河南縣西南懷慶

今穀城故城在河南河南府洛陽縣西北 辛卯單子伐簡城劉子伐孟今河南

刑也 以定王室傳終王室之亂

○趙鞅言於晉侯曰諸侯唯宋事晉好逆其使猶

懼不至今又執之是絕諸侯也將歸樂祁士鞅曰

三年止之無故而歸之宋必叛晉鞅樂祁在六年 獻子私謂

子梁獻子范鞅子梁樂祁 曰寡君懼不得事宋君是以止子

春秋左傳卷下

定公

二

姑使溷代子溷樂子梁以告陳寅陳寅曰宋將叛晉

是弃溷也不如待之留待勿以子自代樂祁歸卒于大行大行晉東

止諸州州晉地為明年宋公使樂大心如晉張木士鞅曰宋必叛不如止其尸以求成焉乃

○公侵齊攻廩邱之郛郛郛也主人焚衝衝戰車齊人焚魯攻廩邱者之戰車

或濡馬褐以救之馬褐馬衣遂毀之毀主人出師奔攻郛人少故

陽虎偽不見冉猛者曰猛在此必敗陽州之役猛先歸言若在

猛逐之顧而無繼偽顛逐廩邱人虎曰盡客氣也言皆客氣非勇

苦越生子將待事而名之苦越陽州之役獲焉名之

曰陽州欲自比僑如

○夏齊國夏高張伐我西鄙報上二侵晉士鞅趙鞅荀寅

救我救不書齊師已去末八竟公會晉師于瓦范獻子執羔趙簡子

中行文子皆執鴈魯於是始尚羔獻子士鞅也簡子趙鞅也中行文子荀寅也禮

○晉師將盟衛侯于鄆澤自瓦還就衛地盟趙簡子曰羣臣

誰敢盟衛君者前年衛叛晉屬齊簡子意欲推辱之涉佗成何曰我能盟之

衛人請執牛耳盟禮尊者灌牛耳主次盟者衛侯與晉大夫

成何曰衛吾温原也焉得視諸侯言衛小可比晉縣將敵

涉佗援衛侯之手及扼援擠也血至扼。援子對反。扼烏喚反。衛侯怒王孫賈趨進賈衛大夫曰盟以信禮也信猶明也有如衛君其敢不唯禮是事而受此盟也言晉無禮不欲受其盟衛侯欲叛晉而患諸大夫王孫賈使次于郊大夫問故問不入故公以晉詬語之詬恥也且曰寡人辱社稷其改卜嗣寡人從焉使改卜他公子患焉謂寡人必以而子與大夫之子為質為質於晉大夫曰苟有益也公子則往羣臣之子敢不皆負羈縻以從將行王孫賈曰苟衛國有難工商未嘗不為

患言衛國有侵伐之禍難亦未嘗不為工商之患使皆行而後可欲以激怒國人公以告大

夫乃皆將行之行有日有期日公朝國人使賈問焉曰若衛叛晉晉五伐我病何如矣皆曰五伐我猶可以能戰賈曰然則如叛之病而後質焉何遲之有乃叛晉晉人請改盟弗許

○秋晉士鞅會成桓公侵鄭圍蟲牢報伊闕也桓公不書監帥不親侵也六年鄭伐周闕外晉為周報之遂侵衛討

○九月師侵衛晉故也魯為晉討衛

○季寤季桓子之弟公鉏極公彌曾孫桓子族子公山不狃費宰皆不得

志於季氏。叔孫輒無寵於叔孫氏。輒叔孫氏之庶子。叔仲志

不得志於魯。志叔孫帶之孫。皆為國人所薄。故五人因陽虎。陽虎欲去

三桓。以季寤更季氏。子代桓。以叔孫輒更叔孫氏。代武。已

更孟氏。陽虎自代懿子。冬十月順祀先公而祈焉。將作大事欲以順祀取媚。辛

卯禘于僖公。辛卯十月二日。不於大廟者順祀之義。當退僖公懼於僖神故於僖廟行順祀。壬辰將享

季氏于蒲圃而殺之。戒都車曰癸巳至。都邑之兵車也。陽虎欲以壬辰

何故。孟孫曰吾弗聞。處父曰然則亂也。必及於子。

先備諸與孟孫以壬辰為期。處父期以兵救孟氏。壬辰先癸巳一日。陽虎前

驅林楚御桓子。虞人以鉞盾夾之。陽越殿。越陽虎從弟。鉞音皮反。

將如蒲圃。桓子咋謂林楚。咋暫也。昨任詐反。曰而先皆季氏

之良也。爾以是繼之。欲使林楚免已於難。以繼其先人之良。對曰臣聞命後

子曰何後之有。而能以我適孟氏乎。對曰不敢愛

死。懼不免主。桓子曰往也。言必往。孟氏選國人之壯者

三百人。以為公期。築室於門外。實欲以備難。不欲使人知。故偽築室於門外。因得聚眾。公

林楚怒馬及衢而騁。騁馳也。陽越射之不中。築者

闔門。季孫既得入。乃開門。射音石。有自門間射陽越。殺之。陽虎劫公

期孟氏支子。

期孟氏支子。

期孟氏支子。

期孟氏支子。

期孟氏支子。

期孟氏支子。

期孟氏支子。

期孟氏支子。

春秋左傳卷之...

與武叔

武叔叔孫不敏之子州仇也

以伐孟氏公斂處父帥成人自

上東門入

魯東城之北門

與陽氏戰于南門之內弗勝又戰

于棘下

城內地名

陽氏敗陽虎說甲如公宮取寶五大弓

以出舍于五父之衢寢而為食其徒曰追其將至

虎曰魯人聞余出喜於徵死何暇追余

徵名也陽虎名季氏於蒲圃將

殺之今得脫必喜故言喜於召死言魯人歡喜季孫免于召死之事也

從者曰嘻速駕公斂陽在

嘻懼聲

公斂陽請追之

孟孫弗許

畏陽

陽欲殺桓子

欲因亂討季氏

以強

孟孫懼而歸之

不敢

子言辨舍爵於季氏之廟而

出子言季孫懼猶周徧也徧告廟飲酒示無懼辨音遍舍如字

陽虎入于謹陽關以叛

謹音歡

鄭駟歆嗣子大叔為政

駟名子子然也為明年殺鄧析張本

經九年春王正月○夏四月戊申鄭伯蠆卒

無傳四年盟臯馳

○得寶五大弓

弓玉國之分器得之足以為榮失之足以為辱故重而書之

○六月葬鄭獻

無傳三月而葬速

○秋齊侯衛侯次于五氏

五氏晉地不書伐者薛伐盟主以次告今直隸廣

平府邯鄲縣西有五氏城亦曰寒氏城

○秦伯卒

無傳不書名未同盟

○冬葬秦哀公

無傳

傳九年春宋公使樂大心盟于晉且逆樂祁之尸

辭偽有疾乃使向巢如晉盟且逆子梁之尸

樂向成曾孫

向舒亮反子明謂桐門右師出

子明樂祁之子濶也右師樂大心子明族父也右師往到子明舍子明逐使出門去

春秋左傳卷之...

六

曰吾猶衰經而子擊鐘何也忿其不逆父喪因責其無同族之恩右師曰喪

不在此故也既而告人曰已衰經而生子余何故

舍鐘已子明也子明聞之怒言於公曰右師將不利戴氏

樂氏戴公族不肯適晉將作亂也不然無疾乃逐桐門右

師逐之在明年終叔孫昭子之言

○鄭駟歎殺鄧析而用其竹刑鄧析鄭大夫欲改鄭所鑄舊制不受君命而私造刑法書

之於竹簡故言竹刑。孔疏鄧析不為私作刑書而殺蓋別有當死之罪駟歎不矜免之耳君子謂子然於是

不忠苟有可以加於國家者弃其邪可也加猶益也弃不責其邪惡

也靜女之三章取彤管焉詩邶風也言靜女三章之詩雖說美女義在彤管彤管赤管筆女史記事

規誨之所執。孔疏古者后夫人必有女史執赤管之筆記妃妾善惡彤管之

法所以規誨人君也。本錄靜女云者特為彤管之言可取故全篇取之不弃下

二章。竿旄何以告之取其忠也。詩邶風也錄竿旄詩者取其中心願告人以善道也言此二詩

皆以一善見采而鄧析不以一善存身。孔疏竿旄之篇衛之臣子多好善賢者樂告以善道其末句云彼姝者子何以告之姝順貌也賢者見其好善

美其共順言已寡知復何以告之自恨無可告之明其無所吝惜。故用其道不弃其人。詩云蔽

芾甘棠勿翦勿伐召伯所茇。詩召南也召伯決訟於蔽芾小

也。莫言思其人猶愛其樹况用其道而不恤其人乎子

然無以勸能矣。傳言子然嗣犬叔為政鄭所以衰弱。無益近用而祇為名故歸之。書曰得器用也

○夏陽虎歸寶玉大弓無益近用而祇為名故歸之書曰得器用也

凡獲器用曰得器用者謂物之成器可為人用者也得用焉曰獲謂用器物以有獲若麟為四獲

傳為六月伐陽關討陽陽虎使焚萊門陽關師驚犯之

而出奔齊請師以伐魯曰三加必取之三加兵齊侯

將許之鮑文子諫曰臣嘗為隸於施氏矣施氏魯大夫

成十七年齊人名而立之至今七十四歲於是文子蓋九十餘矣魯未可取也上下猶和眾庶

猶睦能事大國大國而無天蠶若之何取之陽虎欲

勤齊師也齊師罷大臣必多死亡已於是乎奮其

詐謀夫陽虎有寵於季氏而將殺季孫以不利魯

國而求容焉求自容親富不親仁君焉用之君富

於季氏而大於魯國茲陽虎所欲傾覆也魯免其

疾而君又收之無乃害乎齊侯執陽虎將東之陽

虎願東陽虎欲西奔晉知齊必反已乃囚諸西部盡借邑人

之車缺其軸麻約而歸之缺刻也欲絕追者載葱靈寢於

其中而逃葱靈輜車名葱初江反孔疏說文云輜軒衣車也前後有蔽費遠云葱靈衣車也有葱有靈然則此車前後有蔽兩

旁開葱可以觀望葱中豎木謂之靈今人猶名二木為靈子

追而得之囚於齊又以葱靈

逃奔宋遂奔晉適趙氏仲尼曰趙氏其世有亂乎

受亂人故言其當世將有亂也

○秋齊侯伐晉夷儀為衛敝無存之父將室之辭以

與其弟無存齊人也曰此役也不死反必娶於高國高國

齊貴族也無存欲必先登求自門出死於雷下既入城夷儀人不服故闕死於

有功遂取卿相之女東郭書讓登登城非人所樂故讓犁彌從之曰子讓

門屋雷下也而左我讓而右使登者絕而後下恐書先下故又譎以讓

城人絕皆上訖然後與書下書左彌先下書從彌言左行彌書與王猛息

共止猛曰我先登書斂甲曰曩者之難今又難焉斂甲

擊猛○難去聲言昔者有登城之難今又有三猛之難猛笑曰吾從子如驂之靳靳車中

不敢與書爭言已從書如驂馬之隨靳也傳言齊師和所以能克○靳居觀

反○孔疏車用四馬夾轅二馬謂之服兩首齊其外二馬謂之驂首差退說文

云靳當膺也則靳是當胸之皮也驂馬之首當服馬之胸胸上有靳故云我之從子如驂馬當服馬之靳也晉車千乘在中

車救夷儀也今滎陽有中牟縣迴遠疑非也○今河南衛侯將如五

氏齊侯在五氏將往助之卜過之龜焦衛至五氏道過中牟畏晉故卜衛侯

曰可也衛車當其半寡人當其半敵矣衛侯怒晉甚不復顧卜欲以身

當五百乘乃過中牟中牟人欲伐之衛褚師圍亡在中牟

曰衛雖小其君在焉未可勝也齊師克城而驕其

帥又賤城謂夷儀也帥謂東郭書○褚中呂反遇必敗之不如從齊乃伐齊

師敗之獲齊車五百乘齊侯致禱媚杏於衛三邑皆齊西界以答謝衛意○

若反齊侯賞犁彌犁彌辭曰有先登者臣從之皙憤

而衣狸製皙白也憤齒上下相值製裘也○憤音責衣去聲○皙面白也憤說文作齷公使視東郭書

曰乃夫子也吾貺子也貺賜也公賞東郭書辭曰彼賓旅

春秋左傳卷之三

也言彼與我若賓主相讓旅俱進退

乃賞犁彌齊師之在夷儀也齊侯謂

夷儀人曰得敝無存者以五家免

給其五家令常不共役事

乃得其

尸公三禭之

禭衣也比殯三加禭深禮厚之

與之犀軒與直蓋

犀軒卿車直蓋高蓋○犀

軒軒車以犀皮為飾也蓋車蓋

而先歸之坐引者以師哭之

停喪車以盡哀也君方為位而

哭故挽喪者不敢立○坐跪也

親推之三

齊侯自推喪車輪三轉○推他回反

經十年春王三月及齊平

平前八年再侵齊之怨

夏公會齊侯

于夾谷

平故

公至自夾谷

無傳

晉趙鞅帥師圍衛○

齊人來歸鄆謹龜陰田

三邑皆汶陽田也泰山博縣北有龜山陰田在其北也會夾谷孔子相齊人服

義而歸魯田○今龜山在

山東泰安府新泰縣西南

叔孫州仇仲孫何忌帥師圍郕

郕叔孫氏邑

○秋叔孫州仇仲孫何忌帥師圍郕○宋

樂大心出奔曹

傳在前年春書名罪其稱疾不適晉

○宋公子地出奔陳

貪弄馬以

距君命書名罪之也

○冬齊侯衛侯鄭游速會于安甫

無傳安甫地闕

叔孫州仇如齊○宋公之弟辰暨仲佗石彊出奔

陳暨與也宋公寵向雖不聽辰請辰忿而將大臣出奔虛請自忿稱弟示首惡也仲佗石彊皆為國卿不能匡君靜難而為辰所牽帥出奔稱名亦罪之也○佗徒

河反彊苦侯反

傳十年春及齊平夏公會齊侯于祝其實夾谷

夾谷即祝

其也○桓氏炎武曰在今萊蕪縣舊說齊靈公滅萊萊民播流此谷邑落荒蕪故曰萊蕪會于此地故得有萊人服註在東海祝其縣今淮安府之賴榆遠非也孔丘相相會儀也犁彌言於齊侯曰孔丘知禮而無勇

春秋左傳卷之三

定公

若使萊人以兵劫魯侯必得志焉萊人齊所滅萊夷也齊人從

之孔丘以公退曰士兵之以兵擊萊人兩君合好而裔夷

之俘以兵亂之裔遠也裔以制反非齊君所以命諸侯也裔

不謀夏夷不亂華俘不干盟兵不偪好於神為不

祥盟將告神犯之為不善於德為愆義於人為失禮君必不然齊

侯聞之遽辟之辟去萊兵也辟婢亦反將盟齊人加於載書曰齊

師出竟而不以甲車三百乘從我者有如此盟如此盟誼

之田吾以共命者亦如之無還魯大夫須齊歸汶陽田乃當共齊命於日死孔子以公退賤者終其事盟不潔故

之福孔丘使茲無還揖對還音旋曰而不反我汶陽

累不書齊侯將享公孔丘謂梁邱據曰齊魯之故吾子

何不聞焉故舊典事既成矣會事成而又享之是勤執事也

且犧象不出門嘉樂不野合犧象酒器犧尊象尊也嘉樂鐘磬也諸侯相見之禮享在廟燕

在寢饗而既具是弃禮也若其不具用秕稗也秕穀不

草之似穀者言享不具禮穢薄若秕稗。秕音鄙。稗皮賣反。用秕稗君辱弃禮名惡子盍

圖之夫享所以昭德也不昭不如其已也乃不果

享孔子知齊侯懷詐故以禮距之齊人來歸鄆謹龜陰之田陽虎九年以此奔齊經文倒者

次魯事

○晉趙鞅圍衛報夷儀也前年齊為衛伐晉夷儀故伐衛以為報初衛侯伐

邯鄲午於寒氏邯鄲廣平縣也午晉邯鄲大夫寒氏即五氏也前年衛人助齊伐五氏邯鄲音寒丹今直隸廣平府

邯鄲縣西南有邯鄲故城城其西北而守之宵燔午衆宵散燔子潛反及晉圍衛

午以徒七十人門於衛西門殺人於門中曰請報

寒氏之役衛開門與午鬪涉佗曰夫子則勇矣然我往必不

敢啓門亦以徒七十人且門焉步左右皆至而立

如植至其門下步行門左右然後立待如立木不動以示整皆至謂其徒日中不啓門乃退反

役晉人討衛之叛故曰由涉佗成何援衛侯手故於是執

涉佗以求成於衛衛人不許晉人遂殺涉佗成何

奔燕君子曰此之謂弃禮必不鈞言必見殺不得與人等詩曰人

而無禮胡不遄死涉佗亦遄矣哉詩鄘風遄速也

○初叔孫成子欲立武叔公若藐固諫曰不可藐叔孫氏

族之成子立之而卒公南使賊射之不能殺公南叔孫家臣武叔之黨

音石公南為馬正使公若為郈宰武叔既定使郈馬

正侯犯殺公若弗能其圍人曰武叔之圍人吾以劔過朝

公若必曰誰之劔也吾稱子以告必觀之吾偽固

而授之未則可殺也偽為固陋不知禮者以劔鋒未授之使如之公若曰爾

欲吳王我乎見劔向已逆呵之縛諸殺吳王亦用劔刺之遂殺公若侯犯以郈

叛犯以不能副武叔之命故叛叛而以圍告廟故書圍武叔懿子圍郈弗克秋二子及

齊師復圍郕弗克叔孫謂郕工師駟赤工師掌工匠之官曰

郕非唯叔孫氏之憂社稷之患也將若之何對曰

臣之業在揚水卒章之四言矣揚水詩唐風卒章四言曰我聞有命叔孫稽

首謝其受已命駟赤謂侯犯曰居齊魯之際而無事必不

可矣無所服事子盍求事於齊以臨民不然將叛侯犯從

之齊使至駟赤與郕人為之宣言於郕中詐為齊使言也曰

侯犯將以郕易于齊齊人將遷郕民謂易其民人眾克懼

不不欲遷克克凶勇反駟赤謂侯犯曰眾言異矣不與始同子不如易於

齊與其死也猶是郕也而得紓焉何必此言以郕民易取齊人與郕

無異勝於守郕為叛人所殺紓音舒齊人欲以此偪魯必倍與子地言非徒得民又

將得齊地且盍多舍甲於子之門以備不虞侯犯曰諾乃

多舍甲焉侯犯請易於齊齊有司觀郕將至駟赤

使周走呼曰齊師至矣郕人大駭介侯犯之門甲

以圍侯犯駟赤將射之偽為侯犯射郕人呼去聲侯犯止之曰謀

免我侯犯請行許之郕人許之駟赤先如宿宿東平無鹽縣故宿國侯犯

殿每出一門郕人閉之閉其後及郭門止之曰子以叔

孫氏之甲出有司若誅之誅責也羣臣懼死駟赤曰叔

孫氏之甲有物吾未敢以出物識也赤還救侯犯也識申志反犯謂駟赤

曰子止而與之數數甲以相付駟赤止而納魯人○納魯

師侯犯奔齊齊人乃致郕致其名簿也為

公子地嬖蘧富獵地宋景公弟十一分其室而以

與之與富公子地有白馬四公嬖向魋魋欲之

向魋司馬公取而朱其尾鬣以與之與魋地怒使其徒

扶魋而奪之魋懼將走公閉門而泣之目盡腫母

弟辰曰子分室以與獵也而獨卑魋亦有頗焉子

為君禮禮辟君也○扶救不過出竟君必止子公子地出

奔陳公弗止辰為之請弗聽辰曰是我廷吾兄也

廷欺也○吾以國人出君誰與處冬母弟辰暨仲佗

石彊出奔陳佗仲幾子彊褚師段子皆

○武叔聘于齊謝致郕也經書辰齊侯享之曰子叔孫若

使郕在君之他竟寡人何知焉屬與敝邑際故敢

助君憂之以致郕德叔對曰非寡君之望也所以事君

封疆社稷是以為也敢以家隸勤君之執事夫不令

之臣天下之所惡也君豈以為寡君賜言義在討惡非

經十有一年春宋公之弟辰及仲佗石彊公子地

自陳入于蕭以叛蕭宋邑稱弟例在前年○前宋萬之亂以蕭邑

辰等今入之以叛也 ○夏四月 ○秋宋樂大心自曹入于蕭入蕭從叛

人叛可知故不書叛 ○冬及鄭平平六年侵鄭取匡之怨 叔還如鄭泣盟還叔詣曾孫

還音旋案世族譜叔還是叔弓曾孫此誤

傳十一年春宋公母弟辰暨仲佗石彊公子地入

于蕭以叛秋樂大心從之大為宋患寵向魑故也

惡宋公寵不義以致國患

○冬及鄭平始叛晉也魯自僖公以來世服於晉至今而叛故曰始

經十有二年春薛伯定卒無傳四年 ○夏葬薛襄公無傳

○叔孫州仇帥師墮郟墮毀也患其險固故毀壞其城○墮許規反 ○衛公孟彊

帥師伐曹張孟繫 ○季孫斯仲孫何忌帥師墮費 ○秋大

雩無傳 ○冬十月癸亥公會齊侯盟于黃無傳結 ○十有

一月丙寅朔日有食之無傳 ○公至自黃無傳 ○十有二

月公圍成公至自圍成無傳國內而書至者成疆若列國興動大衆故出入皆告廟

傳十二年夏衛公孟彊伐曹克郊郊曹邑○當在山東兗州府曹縣界 還

滑羅殿羅衛大夫滑于八反 未出不退於列未出曹竟羅不其在行列之後 其御曰

殿而在列其為無勇乎羅曰與其素厲寧為無勇

素空也厲猛也言伐小國當如畏者以誘致之○孔疏羅以曹國小弱不敢來追衛師而在後為殿是空設嚴猛等與其空為嚴猛寧為無勇示弱誘之使曹人不懼以為後圖

○仲由為季氏宰仲由子路將墮三都三都費郈成也。墮盛將為國害故仲由欲毀之於

是叔孫氏墮郈季氏將墮費公山不狃叔孫輒帥

費人以襲魯不狃費宰也輒不得志於叔孫氏公與三子入于季氏之宮

登武子之臺費人攻之弗克入及公側至臺下仲尼命

申向須樂頌下伐之二子魯大夫仲尼時為司寇。向音勅頌音祈費人北國人

追之敗諸姑蔑二子奔齊二子不狃叔孫輒遂墮費將墮成

公斂處父謂孟孫墮成齊人必至于杜門成在魯北竟故且

成孟氏之保障也無成是無孟氏也子偽不知知詳不

我將不墮冬十二月公圍成弗克

經十有三年春齊侯衛侯次于垂葭二君將使師伐晉次垂葭以為之援

○夏築蛇淵囿無傳書不時也○大蒐于比蒲無傳夏蒐非時。比音毗○衛

公孟彊帥師伐曹無傳○秋晉趙鞅入于晉陽以叛

書叛惡可知○冬晉荀寅士吉射入于朝歌以叛吉射士鞅子朝歌後屬晉○晉趙鞅歸于晉韓魏請而復之故曰歸言韓魏之彊猶列國○薛

弒其君比無傳稱君君無道比弒惠公夷立

傳十三年春齊侯衛侯次于垂葭實郟氏垂葭改名郟氏高平鉅野

使師伐晉將濟河諸大夫皆曰

不可邴意茲曰可意茲齊大夫邴音丙銳師伐河內今河內汲郡。漢置河內郡晉

春秋左傳卷之...

分置汲郡治汲縣今為河南衛輝府治

傳必數日而後及絳

傳告晉。傳張戀反。絳不三

月不能出河則我既濟水矣

濟河而歸

乃伐河內齊侯

皆斂諸大夫之軒唯邴意茲乘軒

以其言當齊侯欲與衛

侯乘

共載。乘去聲下同

與之宴而駕乘廣載甲馬使告曰晉

師至矣

齊侯使人如此告也

齊侯曰比君之駕也寡人請攝

以己車攝

代衛車。廣去聲。比必利反。齊侯謂衛侯比及君之駕至以來君既未有兵車寡人請以己車攝代衛車與君同乘

乃介而與之

乘驅之或告曰無晉師乃止

傳言齊侯輕所以不能成功

○晉趙鞅謂邴鄆午曰歸我衛貢五百家吾舍諸

晉陽午許諾

十年趙鞅圍衛衛人懼貢五百家鞅置之邴鄆今欲徙著晉陽晉陽趙鞅邑

歸告其父

兄父兄皆曰不可衛是以爲邴鄆

言衛以五百家在邴鄆常為是故與邴鄆親

為去聲

而寘諸晉陽絕衛之道也不如侵齊而謀之

侵齊則齊

當來報欲因懼齊而徙則衛與邴鄆好不絕

乃如之而歸之于晉陽

欲如是謀而後歸衛貢

趙

孟怒召午而囚諸晉陽

趙鞅不察其謀謂于不用命故囚之

使其從者說

劍而入涉賓不可

涉賓午家臣不肯說劍入欲謀叛

乃使告邴鄆人曰

吾私有討于午也二三子唯所欲立

午趙鞅同族別封邴鄆故使邴鄆人更立

午宗親

遂殺午趙稷涉賓以邴鄆叛

馬籍秦圍邴鄆邴鄆午荀寅之甥也荀寅范吉射

之姻也

婿父曰姻荀寅子娶吉射女

而相與睦故不與圍邴鄆將作

亂作亂攻趙鞅

董安于聞之

安于趙氏臣

告趙孟曰先備諸趙孟

曰晉國有命始禍者死為後可也

待其先發而後應之

安于曰

與其害於民寧我獨死

懼見攻必傷害民當始禍之名而受罪

請以我說趙

孟不可

晉國若討可殺我以自解說

秋七月范氏中行氏伐趙氏之

宮趙鞅奔晉陽晉人圍之范臯夷無寵於范吉射

而欲為亂於范氏

臯夷范氏側室子

梁嬰父嬖於知文子

文子荀躒

文子欲以為卿韓簡子與中行文子相惡

簡子韓起孫不信也

中行文子荀寅也

魏襄子亦與范昭子相惡

襄子魏舒孫曼多也昭子士吉射

故

五子謀

五子范臯夷梁嬰父知文子韓簡子魏子

將逐荀寅而以梁嬰父代

之逐范吉射而以范臯夷代之荀躒言於晉侯曰

君命大臣始禍者死載書在河

為盟書沈之河

今三臣始禍

而獨逐鞅刑已不鈞矣請皆逐之冬十一月荀躒

韓不信魏曼多奉公以伐范氏中行氏弗克二子

將伐公齊高彊曰三折肱知為良醫

高彊齊子尾之子非十年奔魯遂適晉

唯伐君為不可民弗與也我以伐君在此矣三家

未睦

三家知韓魏

可盡克也克之君將誰與若先伐君是

使睦也弗聽遂伐公國人助公二子敗從而伐之

丁未荀寅士吉射奔朝歌韓魏以趙氏為請

經所以書趙鞅

歸 十二月辛未趙鞅入于絳盟于公宮傳錄晉衰亂以見三家分晉之始

○初衛公叔文子朝而請享靈公欲令公臨其家退見史鮒

而告之史鮒史魚鮒音秋史鮒曰子必禍矣子富而君貪罪

其及子乎文子曰然吾不先告子是吾罪也君既

許我矣其若之何史鮒曰無害子臣可以免言得早皆然富而能臣必免於難上下同之言得早皆然戊也驕其亡

乎戊文子之子富而不驕者鮮吾唯子之見驕而不亡者

未之有也戊必與焉與禍難及文子卒衛侯始惡於公

叔戊以其富也公叔戊又將去夫人之黨靈公夫人南子黨宋朝之

徒 夫人愬之曰戊將為亂為明年戊來奔傳

經十有四年春衛公叔戊來奔衛趙陽出奔宋陽趙

書名者親富不親仁○二月辛巳楚公子結陳公孫佗人帥師

滅頓以頓子牂歸佗徒何友○夏衛北宮結來奔亦黨公叔戊皆

惡○五月於越敗吳于檇李於越越國也使罪人詐吳亂陳故從未陳之例書敗也檇李吳

郡嘉興縣南醉李城。檇音醉。檇李城在浙江嘉興府嘉興縣南四十五里吳子光卒未同盟而赴以名○公

會齊侯衛侯于牽魏郡黎陽縣東北有牽城。在今直隸大名府濬縣北公至自會無

○秋齊侯宋公會于洮洮曹地。洮徒刀反○天王使石尚來

歸賑無傳石尚天子之士石氏尚名賑祭社之肉盛以賑器以賜同姓諸侯親兄弟之國與之共福。賑市軫反○衛世子

春秋左傳卷之三

蒯瞶出奔宋衛公孟彊出奔鄭彊書名與蒯○宋公之

弟辰自蕭來奔無傳稱宋公之弟例在十年○大蒐于比蒲○邾子

來會公無傳會公于比蒲來而不用朝禮故曰會○城莒父及霄無傳公叛晉助范氏故懼而城二邑也此

年無冬史闕文

傳十四年春衛侯逐公叔戌與其黨故趙陽奔宋

戌來奔終史魚之言

○梁嬰父惡董安于謂知文子曰不殺安于使終為政於趙氏趙氏必得晉國盍以其先發難也討於趙氏文子使告於趙孟曰范中行氏雖信為亂

安于則發之是安于與謀亂也晉國有命始禍者

死二子既伏其罪矣敢以告告使討安于與去聲趙孟患之安

于曰我死而晉國寧趙氏定將焉用生人誰不死

吾死莫矣乃縊而死趙孟尸諸市而告於知氏曰

主命戮罪人安于既伏其罪矣敢以告知伯從趙

孟盟知伯荀躒而後趙氏定祀安于於廟趙氏廟

○頓子牂欲事晉背楚而絕陳好二月楚滅頓傳言小不

事大所以亡

○夏衛北宮結來奔公叔戌之故也

春秋左傳卷之三

定公

五

○吳伐越報五年越子勾踐禦之陳于檇李勾踐越王允常子

勾踐患吳之整也使死士再禽焉不動使敢死之士往輒為吳所禽欲

使吳師亂取之而吳不動使罪人三行屬劍於頸以劍注頸。行音杭下同屬之欲反下同而辭

曰二君有治治軍臣奸旗鼓犯軍令。奸音干不敏於君之行

前不敢逃刑敢歸死遂自剄也師屬之目越子因

而伐之大敗之靈姑浮以戈擊闔廬姑浮越大夫闔廬傷

將指取其一屨其足大指見斬遂失屨姑浮取之。將子匪反還卒於陘去檇李

七里釋經所以不書滅夫差使人立於庭夫差闔廬嗣子苟出入必謂

己曰夫差而忘越王之殺而父乎則對曰唯不敢

忘三年乃報越後三年哀元年

○晉人圍朝歌公會齊侯衛侯于脾上梁之間脾上梁間

即謀救范中行氏齊魯叛晉故助范中行也析成鮒小王桃甲率狄

師以襲晉二子晉大夫范中行氏之黨戰于絳中不克而還士鮒奔

周小王桃甲入于朝歌秋齊侯宋公會于洮范氏

故也謀救范氏

○衛侯為夫人南子召宋朝南子宋女也朝宋公子舊通于南子在宋呼之。召在遠年服

以會于洮上屬為義非會于洮犬子蒯瞶獻孟于齊過宋野蒯瞶衛靈公大

子孟邑名也就會獻之故自衛行而過宋野野人歌之曰既定爾婁豬盍歸吾

艾豨

婁猪求子豨以喻南子艾豨喻宋朝艾老也。豨音加牡豕也。

大子羞之謂戲陽速曰

從我而朝少君

速太子家臣。戲平聲。

少君見我我顧乃殺之速

曰諾乃朝夫人夫人見大子大子三顧速不進夫

人見其色啼而走

見大子色變知其欲殺已。

曰崩曠將殺余公執其

手以登臺大子奔宋盡逐其黨故公孟彊出奔鄭

自鄭奔齊大子告人曰戲陽速禍余戲陽速告人

曰大子則禍余大子無道使余殺其母余不許將

戕於余

戕殘殺也。

若殺夫人將以余說余是故許而弗為

以紓余死諺曰民保於信吾以信義也

使義可信不必信言。

○冬十二月晉人敗范中行氏之師於潞獲籍秦

高彊

二子黨范氏者終景王言籍父無後

又敗鄭師及范氏之師于百泉

鄭助范氏故并敗

經十有五年春王正月邾子來朝○鼯鼠食郊牛

牛死改卜牛

無傳不言所食處舉死重也改卜禮也。鼯音兮。

○二月辛丑楚子滅

胡以胡子豹歸○夏五月辛亥郊

無傳書過

○壬申公薨

于高寢

高寢官名不于路寢失其所

○鄭罕達帥師伐宋○齊侯衛

侯次于渠蔭

不果救故書次。蔭直居反。

○邾子來奔喪

無傳諸侯奔喪非禮

秋七月壬申妣氏卒

定公夫人

○八月庚辰朔日有食之

無傳 ○九月滕子來會葬無傳諸侯會葬非禮也 ○丁巳葬我君定

公雨不克葬戊午日下吳乃克葬 ○辛巳葬定如

辛巳十月三日有口無月 ○冬城漆邾庶其邑

傳十五年春邾隱公來朝邾子益子貢觀焉邾子執玉

高其容仰公受玉卑其容俯玉朝者之贊子貢曰以禮觀

之二君者皆有死亡焉夫禮死生存亡之體也將

左右周旋進退俯仰於是乎取之朝祀喪戎於是

乎觀之今正月相朝而皆不度不合法度心已亡矣嘉事

不體何以能久嘉事朝禮不體謂不得其體之正高仰驕也卑俯替也

驕近亂替近疾君為主其先亡乎為此年公薨哀七年以邾子益歸傳

○吳之入楚也在四年胡子盡俘楚邑之近胡者也俘取楚

既定胡子豹又不事楚曰存亡有命事楚何為多

取費焉二月楚滅胡傳言小不事大所以亡

○夏五月壬申公薨仲尼曰賜不幸言而中是使

賜多言者也以微知著知之難者子貢言語之士今言而中仲尼懼其易言故抑之

○鄭罕達敗宋師于老邱罕達子蓋齒之子老邱宋地宋公子也奔鄭鄭人為之伐宋欲取地以處之

齊侯衛侯次于濼挈謀

救宋也○挈女居反

事見哀十二年○蓋才何反○老邱城在今河南開封府陳留縣北四十五里

禮記卷之二十一

○秋七月壬申，妣氏卒，不稱夫人，不赴，且不祔也。

赴同，祔，姑夫人之禮。二者皆闕，故不曰夫人。

○葬定公，雨，不克襄事，禮也。

襄成也，雨而成，事若汲汲於欲葬。

○葬定姒，不稱小君，不成喪也。

公未葬而夫人薨，煩於喪禮，不赴不祔，故不稱小君。臣子

怠慢也，反哭于寢，故書葬。

○冬，城漆，書不時，告也。

實以秋城，冬乃告廟，魯知其不，故緩告，從而書之，以示譏。

春秋左傳杜注卷第二十八

哀和志成

